

那文毅公奏議

那文毅公初任直隸總督奏議卷三十七目錄

卷三十七

善後餘事

那文毅公初任直隸總督奏議卷三十七

男容安恭輯

善後餘事

嘉慶十九年二月二十九日

奏爲開州等處留防官兵酌量裁撤恭摺奏

聞事竊照上年滑城克復之後因直隸大名府屬之開州東明長垣三處係被賊蹂躪之區又河南彰德府并直隸順德府地方亦關緊要必須重兵駐劄彈壓當將提標兵一千名飭令馬瑜管帶駐守開州又將正定鎮標兵一千名飭令徐錕管帶分駐東

明長垣又將宣化鎮標兵一千名飭令富蘭管帶
分駐彰德順德二府往來巡緝並經專摺

奏明嗣接河南撫

臣

方受疇來信以彰德地方業已靖

謐毋庸派兵駐守以節糜費經

臣

札致飭令富蘭

將宣化鎮標官兵全數移駐順德府城巡防在案
茲查開州一帶地方入春以來已經靖謐卽有搶
掠糧食之士覓節經拏獲究辦現已斂迹順德府
城亦安堵如常自應酌量裁撤

臣

現在知會馬瑜

徐錕富蘭將各帶兵一千名之內各先撤回五百

名陸續分起歸伍其餘兵一千五百名仍留各該

處駐守俟三月初間全行撤回並令富蘭先行進
京復

命其所帶之兵另派妥幹將備管帶約束不任稍滋事端
馬瑜徐錕現亦令其次第進京謹

奏奉

硃批知道了

嘉慶十九年三月二十二日

奏爲開州等處所有留防官兵全數撤回歸伍恭摺具
奏仰紓

聖厯事竊查直隸開州東明長垣三州縣並順德府留防

官兵共三千名

臣

於到任之後查明各處地方口

臻靖謐酌議減撤一半兵一千五百名其餘一千五百名仍分駐彈壓俟三月初間再行全撤奏奉
硃批知道了欽此欽遵在案茲查月餘以來開州等處實
已安靜搶掠糧食之土甕悉皆斂迹居民安堵如
常留防官兵自應全數撤回歸伍謹

奏

嘉慶十九年三月二十四日軍機大臣字寄奉

上諭那彥成奏開州等處留防官兵全數撤令歸伍一摺
開州等處地方寧謐居民安堵如常防兵自應全數撤

回俾令歸伍王師除莠安良救民水火之中俾登衽席
原以禁暴非以爲暴今火器健銳兩營以及黑龍江古
北口出征官兵查出攜回子女已不下數百名其直隸
派兵各營想亦大率類是所有撤伍官兵此內有路經
保定者著那彥成自行曉諭其不經由保定者轉飭該
將領曉諭以定律官兵攜掠人口若於已附地面攜掠
者不分首從皆斬監候內地州縣更與新附不同此次
爾等攜掠人口若按律辦理不獨草職退伍皆當問擬
大辟姑念此次出兵之時未經申明定律奉旨概予寬
貸速將所攜子女悉數交出聽候查辦不許隱匿一名

若再有隱匿必治以違旨之罪所有交出之幼孩等該督卽遴派妥員詳悉訊問除查有逆犯家屬照例緣坐外其良民子女如訊有父母親屬者卽就近送交本地方官令幼孩等認明親屬給領其不知父母親屬所在者暫交原帶官兵等收養當視同子女毋許稍有作踐亦不許轉賣一面將幼孩姓名年歲籍貫咨明本地方官出示曉諭如親屬得信前來認領毋許該官兵等留難勒指悉照軍機處所辦章程分別妥辦毋令失所該督並當曉諭各營官兵自此次申明定律之後設將來遇有徵調皆當恪遵軍紀倘有肆意違犯者必按律治

罪斷不寬宥俾羣知謹凜以肅戎行

嘉慶十九年閏二月二十日

奏爲大名地方緊要酌擬移置弁兵以資防守恭摺具
奏事竊照大名府屬開州東明長垣等處上年匪
徒滋事甫經勦捕安定經臣會同托津籌商善後
事宜奏請於正定大名等處添設官兵彈壓嗣奉
部咨以

國家設立兵防必通籌經費不得以亂民偶爾滋事遽
議營制之疎所請增設提鎮及添設額兵之處毋
庸議至開州原設有守備東明境內之杜勝地方

原設有都司惟長垣向未設營應交該督酌看情形如必須添置弁兵卽於本省稍簡營分內酌量抽撥移置奏明辦理奏奉

上諭直省營伍各就地方形勢建設腹地駐兵少於邊隘舊制本極詳明直隸原設額兵足資控馭不得因莠民偶爾滋事遽議增添至開州等處匪徒甫靖有須移置弁兵之處著卽由該省各營酌量抽撥欽此臣於蒞任後詳察情形伏查大名爲省南門戶民情素稱刁悍且接壤豫東奸匪易於潤迹善後必須嚴密查防開州營原設額兵一百三十名守備一員把總

一員額外外委一員其杜勝營及所屬之東明長垣二汛原設額兵二百九十九名都司一員千總一員把總二員經制外委二員額外外委一員分管營汛差操防守事宜實覺難於周密又大名協左右二營原設額兵八百五十七名除分撥各汛外存城兵僅止三百五十名於操防亦屬未敷臣

悉心裁酌開州營應請添設兵三百七十名合之原額一百三十名共足五百名之數添設千總一員把總一員經制外委二員額外外委二員將原設守備一員改設都司一員管領其杜勝營東明

長垣二汛應請添設兵二百一名合之原額二百九十九名共足五百名之數添設把總一員經制外委三員額外外委二員又大名協左右二營應請添設兵四百二十九名合之存城原額三百五十名共兵七百七十九名統交城守營員管領毋庸另請添設臣詳釋部臣原議以增設兵額未免需項孔多

國家經費有常自應通盤籌畫而地方實關緊要又不得不因時制宜量移布置方稱善後以上添設兵丁共一千名自應遵

旨於本省各營酌量抽撥擬於天津宣化二鎮所轄營分
內各抽撥五百名所有千把外委等弁俟部覆准
日仍由臣酌量派調其開州營改設都司一員亦
於天津鎮標內酌調卽以所裁開州營守備抵補
似此一轉移間於防守要地足昭嚴密而一切軍
裝糧餉亦可轉移辦理毋庸另議增添如蒙

聖恩俞允所有改鑄鈐印及移撥官員添置弁兵衙署房
屋等項事宜臣督飭藩司會營再行妥議咨部辦
理謹

奏奉

硃批兵部議奏

嘉慶十九年三月二十五日

奏爲大名一帶必須移置弁兵恭摺再懇

聖恩事竊臣前因大名協左右及開州杜勝等營額設弁

兵不敷控馭奏請於宣化天津二鎮所轄營分內

各抽撥兵五百名量移布置以資防守茲准兵部

議奏以天津係濱海要區宣化係邊關重地是以

設兵較寬至於大名一帶雖接壤豫東究係腹地

以天津宣化形勢較之險易迥殊今請撥邊隘之

兵移置腹地未便率行議准如大名等處如果必

須添設兵弁或另於該省各營通盤籌畫均勻酌撥奉

旨依議欽此咨會前來伏查天津宣化固係邊隘要區而大名接壤豫東地方甫經平定民心未盡安帖撤兵之後兵威毫無增益亦屬不成辦法是目下情形似較之天津宣化尤爲緊要先經臣會同托津商辦善後事宜奏請於正定大名等處添設額兵奉部議駁行令於稍簡營分內酌量抽撥遵復再三籌酌大名左右開州杜勝等營必得添兵一千名請於天津宣化二鎮分撥移置而部臣又未議

准仍令通盤籌畫均勻酌撥查直隸一省馬蘭秦
寧二鎮守護

陵寢提標近衛

京畿又係邊關重地各該標均未便輕議移撥外惟宣
化鎮額兵七千餘名天津鎮額兵六千餘名較正
定鎮兵爲數本多雖係臨邊濱海之區現在地方
安靜似可暫爲量移此外惟督標有兵四千餘名
茲復遵照部咨通盤籌畫擬於宣化鎮標抽撥四
百名天津鎮標抽撥四百名督標抽撥二百名仍
照_臣原奏分別移置大名等營庶足以壯聲勢而

重操防於善後事宜亦不致缺略臣爲地方緊要起見此外別無可撥之兵通融籌酌辦理如蒙

聖恩俞允所有帶兵官員卽於各標均勻移撥無須增添

謹

奏

嘉慶十九年三月二十七日奉

上諭那彥成奏請於大名一帶移置弁兵一摺大名接壤豫東上年軍務甫竣該督奏請增兵鎮撫亦屬因地制宜且均於本省抽撥並未加添兵額著照所請准其於宣化鎮標撥兵四百名天津鎮標撥兵四百名督標撥

兵二百名分別移置大名等營以資控制其帶兵員弁即於各標均勻移撥以符定額該部知道

嘉慶十九年四月十八日

奏爲大名一帶移撥兵丁應請分別裁補事竊臣前因

大名協左右及開州杜勝等營額設弁兵不敷控

馭奏請於保定督標抽撥二百名宣化鎮標抽撥

四百名天津鎮標抽撥四百名移置大名等營以

資控制業蒙

聖恩俞允當卽欽遵飭行辦理臣復察訪情形此時大名

府屬留防兵丁業俱撤歸原伍該處係甫經平定

之區不可不亟爲籌辦查省城及宣化天津等處
距大名地方遠至千餘里近亦數百里該兵丁各
有父母室家之戀未免安土重遷一旦移置遠處
於操防未能專心得力若驟然裁去又慮該兵等
猝難謀生臣再四斟酌擬就督標並宣化天津二
鎮各營兵內擇其老弱及技藝未嫻者先行裁汰
其餘俟陸續出有告退斥革事故之缺卽抵爲應
裁之數毋庸募補統於奉文之日起限八個月內
裁齊報部查核一面飭令大名協左右及開州杜
勝等營就近召募壯健兵丁共一千名照原奏分

撥充伍飭令正定鎮總兵張大振督率將備等勒
限募齊認真訓練以實軍旅至督標並宣化天津
二鎮應裁兵丁其未經裁除之先應食糧餉在於
直隸通省各營扣存空曠銀內如數動支給領似
此一轉移間糧餉不致虛糜守衛可收實效亦可
俯洽輿情謹

奏

嘉慶十九年四月二十四日

奏爲大名一帶應添兵丁遵照

諭旨再行籌撥恭摺具奏竊臣欽奉

上諭那彥成奏請將大名一帶移撥兵丁分別裁補一摺
前據該督奏請將督標及宣化天津鎮標兵抽撥一千
名移置大名等營特降諭旨允行茲該督以該兵丁各
有父母室家遠道遷移於操防未能得力請於督標並
宣化天津二鎮標各營兵內照抽撥之數陸續裁汰飭
令大名等營就近招募所奏係屬實在情形自應如此
辦理惟是宣化天津二鎮均係要地驟各裁去兵四百
名亦未免過多著該督再於通省營伍內酌量均勻裁
汰以符一千名之數其大名各營即按新增兵額招募
充伍至新募之兵該處甫經綏靖上年賊黨中實難保

無漏網匪徒若朦混應募入伍所關匪細該府附近地方上年守城禦賊會充御勇民人甚多伊等素與賊匪爲敵又曾練習技藝應先儘募令入伍旣易於辨識兼可訓練得力也欽此

臣跪讀之下仰見

皇上慎重地方

訓示明切實深欽佩伏查直隸原設營制僅止一提五鎮提標原設各項兵九千二百九十三名爲數最多但提督駐古北口近衛

京畿每年恭逢

皇上謁

陵及

巡幸熱河差使繁要勢難裁減馬蘭鎮設兵二千六百七十四名泰寧鎮設兵三千零七十三名數目較少該二鎮專爲護

陵不便議裁惟督標設兵四千五百八十九名宣化鎮設兵七千一百七十五名天津鎮設兵六千一百零一名爲數尙多可以抽撥是以前議在於督標移撥兵二百名宣化天津二鎮各移撥兵四百名共成一千名分撥正定鎮標之大名左右及杜勝等營安設茲蒙

訓示令

臣

於通省營伍內均勻裁汰

臣

再四思維擬在於

提標各路均勻裁減二百名其餘八百名在於督
標裁減二百名宣化天津二鎮各裁減三百名仍
符一千名之數一面卽飭令正定鎮總兵張大振
督率大名左右及杜勝等營欽遵

諭旨卽按新增兵數在於附近地方招募居住妥實會充
義勇民人令其入伍如有不足另行招募足額務
令地方官確查取保方准認充以杜朦混而資控
馭謹

奏奉

硃批依議辦理

嘉慶十九年六月十九日

奏爲酌定大名開州等營添設官兵分撥營汛數目恭摺具奏事竊臣前奏開州杜勝及大名左右等營應添兵一千名請於督提二標宣化天津二鎮各營內照抽撥之數均勻裁減卽令開州等營就近招募荷蒙

允准辦理查此次開州等營添設兵丁一千名或添於存城存營或添於各汛應視其地方何處扼要原設額兵何處單薄酌量情形分別添置方足以收實

效當卽調至正定鎮總兵張大振當面詳議并令其親身查辦去後茲據該鎮親歷各營按照臣所指扼要地方合之官兵數目查明情形酌擬分撥今請將杜勝營並所轄之長垣東明及東明集等汛添兵三百三十七名開州營並所轄之兩門井店等汛添兵三百七十一名大名左營存城添兵一百九十四名右營元城汛駐大名府城添兵九十八名以符一千名之數所添兵丁按馬兵二成步兵三成守兵五成合計弓箭六成鳥鎗四成均係照例辦理至調撥千把外委等官悉照原奏數

目分撥惟安置營汛稍有參差臣復詳核情形該
鎮所辦俱屬妥協除飭令如稟辦理一面督率各
營招募附近居住妥實義勇民人依限足額以資
控馭外理合恭摺具

奏並另繕清單敬呈

御覽再開州營原設守備一員臣前經奏明改設都司一

員於天津鎮標內酌調卽以所裁開州營守備抵

補在案茲與提臣徐銀往返咨商應請將天津鎮

屬舊州營選缺都司劉肇元移置開州營所遺都

司裁缺改爲守備卽以開州營選缺守備馬成龍

撥駐其餘調撥員弁統俟兵丁募齊一併咨部謹
奏奉

硃批兵部知道

謹將大名開州等營原設并酌添官兵分撥營汛
數目開列清單恭呈

御覽

大名左營存城原設副將一員都司一員千總一
員把總一員額此外委一員

應請添設經制外委一員

即請以長垣汛應添
經制外委一員添設

原設馬步守兵二百三十七名

應請添設馬步守兵一百九十四名連原額共
兵四百三十一名

大名右營元城汎駐大名府城原設千總一員額
外外委一員

應請添設經制外委一員

即請以東明汎應添
經制外委一員添撥

原設馬步守兵一百零二名

應請添設馬步守兵九十八名連原額共兵二
百名

杜勝營存城原設都司一員千總一員經制外委
一員額外外委一員

應請添設把總一員經制外委一員額外委一員

原設馬步守兵一百九十二名

應請添設馬步兵二百零八名連原額共兵四百名

長垣汛原設把總一員

應請添設額外外委一員

即請以杜勝營應添額外外委二員內撥

補一員將該汛應添經制一員添於大名左營存城

原設馬步守兵五十二名

應請添設馬步守兵四十八名連原額共兵一

百名

東明汛原設把總一員

應請添設額外外委一員

卽請以開州營應添額外外委二員內撥

補一員將該汛應添經制外委一員添於大名右營元城汛

原設馬步守兵三十名

應請添設馬步守兵七十名連原額共兵一百

名

東明集汛原設經制外委一員

係東明汛協防

原設馬步守兵十九名

應請添設馬步守兵十一名連原額共兵三十

名

開州營存城原設守備一員

今改設都司一員將原設守備撥補都司

裁把總一員

應請添設千總一員經制外委二員額外外委

二員

添設一員由井店集汛撥歸一員

原設馬步守兵一百一十四名

應請添設馬步守兵二百八十六名連原額共

兵四百名

兩門集汛原設經制外委一員

應請改設把總一員

即請以該營應添把總撥補將原設經制外委改撥

井店
集汛

原設馬步守兵五名

應請添設馬步守兵六十五名連原額共兵七十名

井店集汛原設額此外委一員

應請改設經制外委一員

即請以兩門集汛原設經制外委撥補將

該汛原設額此外委撥歸開州存城

原設馬步守兵十名

應請添設馬步守兵二十名連原額共兵三十名

以上開州營存城外汛共計馬步守兵五百名
統計大名左右杜勝開州等四營改設都司一
員添設千總一員把總二員經制外委五員額
外外委四員弓箭馬兵二百名弓箭步戰兵一
百五十名烏鎗步戰兵一百五十名弓箭守兵
二百五十名烏鎗守兵二百五十名共添設兵
一千名

嘉慶十九年七月十三日

奏爲大名開州等營添設官兵募齊入伍日期事竊

臣

前奏大名左右及開州杜勝等營應添兵一千名

請於督提二標宣化天津二鎮各營內照抽撥之數均勻裁減卽令開州等營就近招募隨將各該營汛地方扼要情形指示正定鎮總兵張大振親往履勘按照所添兵數酌擬安置業經先後奏蒙聖鑒茲據該鎮張大振稟稱大名左營存城應添兵一百九十四名右營元城汛應添兵九十八名開州營並所轄之兩門井店等汛應添兵三百七十一名杜勝營並所轄之長垣東明及東明集等汛應添兵三百三十七名共新兵一千名已於六月十六二十二二十七等日募補足數均經該鎮親加挑

驗并經該地方官確查取保悉係年力精壯來歷
明白之人均已分撥入伍此項新兵應食糧餉統
於七月初一日起支以歸畫一所有各該營汛應
添額外外委三員卽於本營汛舊設馬兵內秉公
揀拔帶領操演等情前來飭造各兵花名清冊送
部一面飭令移撥干把外委各員弁迅速前往督
率操防一併咨部給劄謹

奏奉

硃批知道了

嘉慶十九年十一月二十五日

奏爲查出長垣等三州縣叛絕產業恭摺奏懇

聖恩

賞給正定鎮標兵丁以資差操事竊查上年豫東教匪滋事擾及直隸大名府屬長垣東明開州等三州縣地方經

欽差大學士托津帶領官兵勦滅淨盡所有逆犯及被難

絕戶產業例應入官

臣

本年春間到任後遵奉

諭旨嚴飭地方官逐細據實查報不得稍有隱匿茲據大名道府稟稱督率印委各員嚴查詳報長垣縣叛產地二十二頃一十四畝零絕產地一十一頃五

十畝零其東明開州並無叛產惟查出東明縣絕
產地三頃四十四畝零開州絕產地九十二畝零
統計三州縣共應入官叛產絕產地三十八頃零
其瓦土房屋上年焚燒之後復遭本年夏秋雨水
業經倒塌無從查報委無隱匿情事稟請核辦前
來查長垣等處叛絕產業前經臣於善後事宜摺
內條奏俟查明之後召佃耕種即將所收租息爲
正定所屬新設各營辦公之用嗣經臣議覆查
逆產絕產兩項先經奉

旨確實查明以爲安插無業難民之用現在正定既不設

提標其所請佃種辦公之處應毋庸議仍遵前奉諭旨查明頃畝或給地或變價就所有數目均勻分給無業難民等因奏奉

俞允在案臣伏查長垣等處難民復業者十居七八似可毋庸再行分給地畝現在之地纔三十八頃餘給地則地少人多勢難均勻遍及卽變價亦屬無幾其所應分甚少與其因攤派不均另起爭端何如仍歸營中公用較爲有益查正定雖未設立提標但所屬開州杜勝及大名左右等營添設兵丁一千名安設堆堡及一切差操等事在在均需經費

且正定鎮標兵丁生計本屬拮据臣正思設法調劑合無仰懇

皇上格外

天恩俯准將此項叛絕產地三十八頃零

賞給正定鎮標兵丁召佃收租作爲差操賞資之用每年所收租息除完納正賦外其餘悉歸該鎮公用歲底將用過銀數造具四柱清冊呈送臣衙門查考如有盈餘留爲下年之用如此核實辦理既免小民紛爭而新設各兵丁有此得項一切差操事宜既得充裕自必倍加奮勉於營伍洵有裨益再此

外各州縣如有零星陸續查出叛絕地畝不值再
爲另辦應請一併歸營公用合併陳明謹

奏

嘉慶十九年十一月二十七日奉

上諭那彥成奏請將長垣等三州縣叛絕產業賞給正定
鎮標兵以資差操一摺直隸正定鎮所屬營汛有新添
兵丁其安設堆堡及一切差操等事經費不無加增加
恩著照所請將此次查出長垣東明開州叛絕產地三
十八頃零賞給正定鎮標兵丁召佃收租作爲差操賞
資之用每年除完納正賦外其餘租息歸營公用仍於

年終報明總督核實查銷

嘉慶十九年四月初十日

奏爲軍需用項仍請捐廉攤補恭摺再懇

聖恩事竊臣前奏直隸軍需用款約計將及九十萬兩請

照擒捕內地賊匪本省自行辦理之例於現任大

小官員養廉內分作十五年均勻攤扣歸款欽奉

硃批此奏甚是另有旨欽此又奉

上諭此次教匪謀逆由林清倡首該逆伏匿郊畿借傳教
爲名肆行勾結以致釀成叛案延及豫東二省勞師糜
餉該管官毫無覺察形同木偶玩悞因循莫此爲甚應

照那彥成所奏罰賠示懲惟州縣等官職分較小廉俸無多林清及逆黨犯事地方又不皆在所轄境內無庸一律攤扣至那彥成錢臻調任皆在事後攤捐亦未平允此事卽交那彥成督率錢臻查明自嘉慶十一年起至十八年止歷任總督順天府府尹潘臬兩司及該管道員等按其在任年月秉公核算分別攤賠以清款項

欽此仰見

皇上明罰勅法至公至平

臣

踧誦之下實深欽服

臣

伏思

直省此次邪匪滋事地方官平素漫無覺察實非尋常玩忽可比所有軍需用款九十萬兩在於歷

任各大吏名下著落攤賠實在罪所應得惟銀數過多而八年之間總督府尹司道人數甚少此時核計攤賠仍須分限追繳竊恐數年之後各該員等或別有事故或力不能完是徒有追賠之名難期歸補之實臣受

恩深重事關

帑項不敢不從長計慮莫若仍懇

聖恩俯照原奏於現任大小官員養廉內分作十五年均勻攤扣歸款年限稍寬在各員無悞辦公墊款可以尅期補足於事較有實際如蒙

俞允再行督飭藩司將用項核算清楚分別均攤以期公
允至自嘉慶十一年至十八年止歷任總督府尹
藩臬兩司及該管道員平時玩悞因循未便任其
置身事外除溫承惠方受疇素納慶格等業經白
行議罰無庸置議外其餘歷任各員臣查明在任
年月另繕清單敬呈

御覽應如何分別示罰恭候

欽定謹

奏

嘉慶十九年四月十二日奉

上諭那彥成奏軍需用項仍請捐廉攤補一摺上年教匪滋事直隸省軍需動款約計九十萬兩前因該管各上司平素漫無覺察以致釀成叛案降旨令那彥成查明議罰示懲茲據查覆歷任各員人數無多著落分賠帑項仍屬虛懸請照前奏均攤歸款著照所請卽交該督將軍需動用銀九十萬兩督飭藩司詳細核算在於現任大小官員養廉內分作十五年均勻攤扣歸款該部知道

嘉慶十九年十二月十四日

奏爲直省辦理軍需用過銀數現在核造完竣恭摺具

奏事竊照上年直省辦理軍需動用銀兩前經臣
奏請照擒捕內地賊匪本省自行捐辦之例於現
任大小官員養廉內分作十五年均勻攤扣歸款
欽奉

諭旨交

臣

督率錢臻查明自嘉慶十一年起至十八年止

歷任總督順天府尹藩臬兩司及該管道員等按其
在任月日秉公核算攤賠欽此

臣

因八年之間總督府

尹司道人數甚少恐有追賠之名難期歸補之實
奏懇

聖恩仍照前奏分別攤扣其歷任失察之總督府尹司道

除溫承惠方受疇素納慶格自行議罰外其餘各員應如何示罰開列清單恭候

欽定接奉

諭旨著照所請將軍需用銀兩在於現任大小官員養廉內分作十五年均勻攤扣歸款欽此遵卽轉飭司道設立報銷總局遴派誠實委員將上年辦理軍需及本年留防凱撤官兵用過各款銀兩分飭糧臺委員並經由州縣逐一造報嗣因各處開報款項銀數多有舛錯浮多未能畫一復經飭局列定款項頒發冊式分飭造報茲據陸續造冊申由總局

司道督率委員逐細核明彙造總冊詳請具奏前來查上年軍需應付車馬以及備辦軍裝各項前因省南各屬連歲歉收百物昂貴軍行倉猝之際需用例價實屬不敷經前署督臣章煦奏請按時價僱辦欽奉

硃批該部知道欽此嗣經戶部議奏從前辦過成案每車每百里給價銀一兩每騾每百里腳價銀三錢到站守候止係運送一次者准其守候一日不給回空如分起接運者首一起准守候一口各准回空一日尾一起不給回空行令查照辦理又採買軍

營馬匹騾頭駝隻軍需例內均有一定價值不得
照時價開銷奏奉

硃批依議欽此在案伏查上年兵行匆促省南又值歉收

百物異常昂貴若照例價採買僱辦斷難敷用且
恐有悞軍需是以仍照時價給發辦理今軍需用
項雖奏請攤捐歸款而加價一項若不剔除另造
未免與例價牽混茲經司道酌議將例價作爲正
銷加價作爲附銷分別具詳前來臣覆加察核委
係實在情形並無浮冒其官兵鹽糧馬乾等項均
按定例支給亦無浮支除文武官員兵丁借支養

廉行裝等項銀共一十一萬五千八百六十八兩六錢四分現在分別各行扣解又吉林等處凱撤官兵攜帶幼孩送回原處應需車價等項銀一萬九千五百九十三兩三錢八釐應歸臣罰賠不計外統計軍需項下實共用過銀九十六萬九千四百六十八兩一錢六分四釐內正銷銀六十一萬二千六百二十六兩八錢八分四釐附銷銀三十五萬六千八百四十一兩二錢八分應照原奏在於現任大小官員養廉內分作十五年均勻攤扣歸款請自嘉慶二十年正月初一日爲始其署事

之員定例只准支食半廉攤扣之數亦准減半仍將每年扣過銀數由藩司衙門於歲底造冊咨部臣已飭局將用過銀兩細款清冊詳請咨送戶部查核并將各官應扣養廉分別等差核明應扣數目造冊具詳立案謹

奏奉

硃批戶部知道

嘉慶十九年九月初八日

奏爲因荒賤賣地畝請照原價回贖以卹貧民請

旨飭遵事竊據候補知縣陳池養稟稱該員奉委前赴東

明縣編查保甲監放展賑口糧親歷村落體察地方情形貧民因荒賤賣地畝本年雨水調勻無地可耕稟請調劑當經臣飭據大名道屠之申大名府劉寶第查覆俱係實在情形並聲明大名順德廣平三府及趙州直隸州等三十餘州縣均屬節年荒歉大概相同臣伏查鄉曲小民全藉耕作以資生計數歲旱乾收成歉薄凡有地數畝至數十畝之家無計營生不得不售賣地畝賣者多而買者少更不得不賤其價值以致膏腴之產每畝不過一千數百文稍涉瘠薄者不過三四百文較之

豐年所值減至十倍本處富戶及外來商賈利其
價賤罄囊收買本年夏秋雨水調勻俱各廣種博
收而失業之民轉無可耕之地自應准照原價贖
取俾得仍耕本業免致遷徙流離惟不明定章程
誠恐無所限制致滋爭訟應請定自上年麥收以
後本年麥收以前所賣地畝始准贖取而贖取之
期定以三年如此則賣地貧民可期漸次復業不
至有播遷之虞而商賈富戶賤價買地已獲本年
豐收之利又得取贖原價亦皆半允仍嚴飭各州
縣妥爲曉諭毋許少涉爭競抑臣更有請者查山

東河南兩省上年亦多被擾歉收州縣應

勅下各該省同時查辦以歸畫一謹

奏

嘉慶十九年九月十一日奉

上諭那彥成奏請將因荒賤賣地畝准照原價回贖以卹貧民一摺小民以耕作為業藉資養贍直隸大名等府屬三十餘州縣前因連年荒歉民間地畝多用賤價出售較豐年所值減至十倍本處富戶及外來商賈多利其價賤廣為收買本年雨水調勻而失業之民已無可耕之地流離遷徙情殊可憫亟宜官為調劑以遂民生

著照該督那彥成所請明定章程自上年麥收後本年
麥收以前所賣地畝准令照原價贖取定以三年爲期
俾貧民漸次復業免致失所此外山東河南兩省上年
被擾歉收各州縣並著各該撫飭屬查明一體辦理務
令各地方官善爲經畫毋許少涉爭競以期閭閻恒產
有資共安樂土摺併發

那文毅公初任直隸總督奏議卷三十八目錄

卷三十八

飭緝逆黨附稽查保甲

那文毅公初任直隸總督奏議卷三十八

七
上
卷
三
十八
史
文
館
藏

男容安恭輯

飭緝逆黨附稽查保甲

容安謹按嘉慶十九年先公總制

畿封時當軍務甫竣教匪餘黨祝現諸逆尙在稽誅屢

承

嚴旨飭緝先公以教匪伏孽孔多持鎮定清源之議意

在擒除確實正犯其中京外各處妄擒無辜誣

扳善良者一一爲之開釋平反推究躡緝所獲

正犯加以嚴懲雖非種必鋤而莠良必辨上以

體

聖人好生大德下以培閭閻元氣故

畿輔重地終先公之任人心靜肅嘉慶二十三年

仁宗睿皇帝特諭疆吏弛緝諸逆具見仰契

天心維時

飭緝奏件盈箱累牘不克具載茲將諸議擇要編載如

左

嘉慶十九年二月初九日軍機大臣字寄奉

上諭那彥成奏請於叩謁

裕陵後東至山海關查閱營伍並查看地方情形再行回

京一摺山海關地當要隘那彥成藉查閱營伍查看該一路土俗民情於事甚便其經過之灤州一帶向有賣符傳教匪徒曾經懲辦有案現在該處仍有無傳習邪教之事或祝現等要犯在彼潛匿亦未可定那彥成途次並當留心飭查如能弋獲要犯更爲有益至山海關員弁前此妄拏逼供波累多人現經逐案昭雪並將原審各員分別懲治但山海關係衝途守卡各弁若因妄拏者獲咎此時又一味疎縱亦非禁暴詰姦之道著那彥成到彼傳諭文孚令其督飭巡查留心盤詰况如祝現等各犯狡譎性成若聞此時該關巡緝鬆懈或竟

希圖乘間竄逸出口尤當加意嚴查勿任漏網可也

嘉慶十九年二月十五日

奏爲查察京東一路年歲豐稔民情安恬並順路較閱

營伍恭摺覆奏事竊臣自初八日於密雲道中接

奉

恩旨業已恭摺具奏旋於初十日奉到

廷寄准令臣改赴山海關並

諭令經過之灤州一帶向有賣符傳教匪徒曾經懲辦有
案現在該處仍有無傳習邪教之事或祝現等要犯在
彼潛匿亦未可定那彥成途次並當留心訪查欽此遵

卽緩程行走沿途留心於人烟湊密之三家店段家嶺邦均等處俱先期差人改裝查看均稱京東一路去年收成豐稔冬春雨雪沾足民情豐樂安靜之至灤州遷安前年曾經辦理習教之案彼時拏獲首犯董懷信梟示之後其餘各村原有一二家習教之人均皆畏懼改悔去冬各地方官又加訪查並卽諄切開導遵奉

諭旨實力稽查保甲門牌所有喫齋習教之人均恐人不信其悔過多有請客對衆開齋具結改悔各地方官面稟如此臣又復密委查核果屬相符至保甲

之設詰奸正俗原係法良意美但不難查之於始而難於守之以恒臣已面諭道府大員將來辦竣之後總由各道府加結詳報每於年終務必親身周查具報不得以日久視爲具文臣仍不時委人抽查如有不實力奉行以致廢弛者卽嚴行叅辦至文孚康紹鏞所審之案全屬虛誣民間業已知係捏造教供謠言頓息業經文孚等具奏在案臣仍遵奉

諭旨傳知文孚山海關係屬衝途守卡各弁若因妄擊獲咎此時又一味疎縱亦非禁暴詰奸之道再臣沿途見

有關內外客販詳細訪問所有關內外去年收成
極稔民情均皆安謐並無謠言傳習邪教等事臣
於拜摺後卽行起身回京恭復

恩命謹

奏奉

硃批知道了

嘉慶十九年閏二月二十日

奏爲恭摺具奏事竊臣接到臣兄那彥寶專差來信恭

述面奉

上諭以逆犯祝現等尙在稽誅

飭令上緊查拏務獲欽此臣祇聆之下實深焦切伏思祝

現劉第五支進才劉呈祥董博旺劉成章等六犯
罪惡貫盈爲神人所共憤斷無倖逃法網之理臣

屢奉

諭旨飭拏節經通飭合省文武員弁留心設法購線躡緝

並於屬員因公進謁時一一諄飭無論城鄉集鎮

菴堂寺觀以及窮鄉僻壤煤窑灰厰凡可以潤跡

之所到處搜尋務期必獲臣又思該犯等自知身

殊

罹重辟本省無可逃奔或於近省潛藏以冀稍延

殘喘現復密派精細員弁改裝易服前赴河南衛

輝山東曹州等處察訪踪跡倘得有端倪便可跟
跡追捕此等梟獍之徒無論大小官吏莫不志切
同仇卽凡在齊民亦人人思食其肉必當速就擒
誅以彰

國憲况現奉

恩旨免各官失察處分但能拏獲卽從重

施恩所有各文武無不人人感奮各期罪人斯得可以渥
受

聖恩卽此而知該犯等但使猶生似當必獲至編查保甲
卽所以屏絕奸邪二者交相爲用實爲現在地方

要務

臣

疊經嚴飭各屬認真查辦又恐州縣相率

因循虛應故事復經責成該管道道府督率辦理又
飭令各營員教職等一體查報又遴委明幹之員
分投前往查催俟各屬辦有端緒再令臬司親往
周查務使奸匪無從藏匿地方咸就肅清以仰副
聖主諄諄訓誡之至意謹

奏奉

硃批西山一帶直接山西最易藏奸必須留意勉之

嘉慶十九年三月初九日

奏爲覆奏事竊

臣

具奏東省首幫漕船入直一摺欽奉

硃批嚴拏逆犯刻不可緩口外八溝一帶尤易藏奸速派
幹員改裝前往實力緝訪勉之朕日夜盼望汝切勿因
循若能緝獲加爵錫恩慰汝老母益增福壽矣欽此臣
跪踊之下悚惶感激莫能名狀當卽稟知臣母叩

謝

聖慈伏念臣世受

國恩躬叨

仁育上年剪茲小醜復蒙

皇上格外

加恩渥邀

異數臣於二月二十四日抵署之日拜見臣母之時卽告

以

太子少保子爵襲次冠戴雙眼花翎臣母撫循顧視喜

極感泣當卽帶領合家向

闕叩頭恭謝

天恩惟有朝夕焚香誦佛頂祝天下臣民共沐

聖主萬福萬壽昇平無疆之慶臣數月以來每以祝現等

六犯在逃時深焦切茲復欽奉

恩諭既

勛之以自効復

推之於所生犬馬有知益當思奮况臣具有知識備沐

生成敢不殫竭血誠力圖報稱前此已密派能事員弁分

路查拏又復嚴飭地方文武各官上緊躡緝一面

遵奉

諭旨選派幹員改裝前往八溝一帶慎密查拏但有法之
可施期於力所必盡使該犯等未就溝洫務期罪

人斯得仰副

聖懷斷不敢稍事因循致負

聖主諄諄訓誡之至意謹

奏奉

殊批實心勉力務期就獲

嘉慶十九年三月十二日

奏爲遵

旨嚴審定擬具奏事竊查前任正定鎮總兵徐錕具奏拏獲滑縣逆犯王進道一案欽奉

上諭著臣親提嚴審將前後從逆各情令其據實供吐其

過河一節一併切實嚴訊如供情確鑿一面錄供具奏一面卽將該犯在保定省城凌遲處死所有獲犯之把總曹成武生李殿臣蘇冠軍王遇午武童蔡芳奎卽於摺內聲明奏請量予恩施欽此遵卽催提到省督同臬

司錢臻署保定府知府李鑾宣宣化府知府盛秦
候補知縣陳晉提犯研審緣王進道本名王法文
籍隸河南滑縣住居緣石坡村先於乾隆五十七
年間入同縣匪犯張囑貧八卦教嘉慶十一年又
拜宋克俊爲師入九宮教每日燒香磕頭念真空
家鄉無生父母八字王進道曾收同縣侯莊西桃
園等村人劉文顯郭士法吳春趙幅等爲徒十八
年八月間宋克俊向王進道告知李文成等見過
林清定於九月十五日進京造反令王進道爲頭
目領人一千每人剃去腦後髮辮一結以爲暗記

先平蘭陽長垣二縣九月初三日經該縣強克捷
訪聞將李文成等拏獲監禁宋克俊等卽邀王進
道及同教之人於初六日進城初七日戕官劫獄
將李文成等放出宋克俊卽在西桃園立寨時徐
安囑糾同東省匪犯亦至該處王進道糾人搶掠
八里營草坡劉家莊柴村等四處宋克俊先後僞
封王進道爲衛輝府總兵及震宮伯等名號始改
名王進道用白布做旗寫奉天開道震宮伯王進
道字樣十一月初四日王進道與宋克俊之姪宋
勇林搶劫白家道口文檀當舖一次王進道旋因

患病回家其帶領匪徒歸併宋克俊股內至十二
月間王進道聞知滑城已破宋克俊等均已殲斃
心生畏懼卽潛匿在家十九年正月經正定鎮總
兵徐鋌派令隨營効力武童蔡芳奎等訪知稟經
徐鋌飭委龍固營把總曹成帶領兵丁協同蔡芳
奎等將王進道拏獲訊供奉

諭旨交

臣

親提嚴審逐加研鞫據供前情不諱

臣

查豫省

獲犯李志茂供稱王進道遣人渡河勾結今該犯
並不承認誠恐庇護夥黨匿不供吐其祝現等六
犯現在何處竄匿該犯既係同教頭目應知下落

再三研究該犯堅稱實無遣人渡河勾結亦不識李志茂其人或李志茂與該犯同教聞名因而行供吐亦未可定至祝現等逃往何處實不知道研詰至再矢口不移查李志茂已經正法無憑質訊該犯習教謀逆重情既據逐一供認自應欽遵諭旨卽行正法查王進道始則聽從逆匪宋克俊等入教傳徒繼復同謀助逆戕官劫獄得受僞封實屬罪大惡極王進道合依謀反大逆但共謀者凌遲處死律應凌遲處死審明後卽恭請

王命飭委臬司錢臻中軍副將舒凌阿將王進道凌遲處

死訖仍傳首犯事地方示衆以伸

刑部知道

國法而快人心該犯家屬咨會河南巡撫查明照例緣
坐財產入官張悞竇一犯據王進道供稱投入滑
縣城內並未走出自己已被殺劉文顯等均因打仗
被官兵殺死是否屬實飛咨河南撫臣方受疇再
行確查以杜漏網原拏王進道之正定鎮龍固營
把總曹成賞給千總頂戴武生李殿臣蘇冠軍王
遇午外委頂戴武童蔡芳奎遵

旨聲明聽候

恩施以示鼓勵曹成等分別飭令回營回籍全案供招咨

部謹

奏

嘉慶十九年三月十四日

上諭據徐錕奏拏獲滑縣逆犯王進道一名降旨交那彥成審辦茲據該督審明王進道實係同謀助逆要犯業經按律辦理所有督率緝拏之徐錕著施恩賞加一級其獲犯之把總曹成著加恩以千總卽用先換頂戴武生李殿臣蘇冠軍王遇午均著加恩賞給武舉准其一體會試武童蔡芳奎著加恩賞給武生准其一體鄉試以示鼓勵

嘉慶十九年三月十九日

奏爲恭摺奏

聞事竊

臣

據獻縣知縣張翔稟稱本月初六日有都察院

委員汪象仁步軍統領衙門委員王大用至署口

稱奉委訪拏逆犯行至獻縣訪有于幅祥弟兄五

人寄居獻縣孫爾莊等語該縣隨親詣該莊逐細

挨查僅有于兆麟于乘麟于顯麟于夢麟于玉麟

弟兄五人訛據供稱均係良民並不知有于幅祥

其人該縣在于兆麟等家內搜查並無違禁器械

因恐伊等狡飾復帶回署中與委員汪象仁等會

訊于兆麟等極口呼冤並有莊民李大法等八十餘人赴縣公保該縣向委員汪象仁等詢問有何憑據訪拏汪象仁等惟稱得自傳聞並未奉有刑部飭緝抄單不能指實俟赴部詳查的確再來回覆酌辦該縣現將于兆麟等管押等情臣查于兆麟等既據該縣訊係良民且經李大法等八十餘人聯名公保其爲並非逆犯可知汪象仁等既未奉有飭緝文書而于兆麟等之名又與于幅祥不同因何憑空指拏理合奏請

皇上勅部查明于兆麟等是否飭拏之犯有無應訊之處

即行飛咨臣以便查照辦理再查御史童槐奏請將逆匪案內應拏要犯開寫清單交步軍統領等衙門指名查拏毋使以偽亂真等語仰蒙

俞允通行飭遵在案今妄拏之事仍復不免合無仰懇
聖明再行

諭飭各衙門諄飭承緝員弁訪緝真正要犯毋再妄拏俾無辜小民免遭拖累以仰副

聖主除逆安良之意仍飭獻縣將于兆麟等暫取的保謹
奏

嘉慶十九年三月二十一日奉

上諭那彥成奏據獻縣知縣張翔稟稱有都察院委員汪象仁步軍統領衙門委員王大用至署口稱訪有逆犯于幅祥弟兄五人寄居獻縣孫爾莊等情經該縣緝獲于兆麟弟兄五人與委員等會訊于兆麟等極口呼冤並有莊民李大法等八十餘人赴縣公保該縣訛問汪象仁等有何憑據惟稱得自傳聞並未奉有刑部飭緝抄單等語現在要犯祝現等六名並其餘次要逆犯數十名日久未獲必應嚴密查拏勿使一名漏網承緝之員訪悉該犯等潛蹤何處卽應跟同眼線前往掩捕或人少慮有疎失密行知會地方官派人協拏均無不可

若因奉委出境不能速獲正犯沿途托名風聞將尋常
燒香社會查拏一二起以圖暫時搵塞且意存邀功妄
拏無辜以偽亂真尤乖禁暴詰奸之意著傳諭步軍統
領順天府五城各飭知所派員弁兵役訪拏要犯務憑
刑部單內年貌住址確實躡緝勿得濫及平民徒滋擾
累其委員汪象仁王大用著都察院步軍統領衙門傳
到訛問所緝于幅祥等有何指証據實覆奏其于兆麟
等五人姓名並著刑部查明是否應緝之犯迅速咨行
該督以憑核辦

謹按嘉慶十九年四月十八日

奏報據大名府知府劉寶第稟據東明令淡廷芬盤獲
匪犯畢谷朶一名供認曾經聽從震卦頭目畢
臭於十八年九月內疊次搶劫又在滑縣焚掠
曾用鎗戳倒一人後潛逃今被拏獲提省訊辦
奉

硃批刑部知道

謹按嘉慶二十年四月十七日

奏報前獲聽從震卦教頭目畢臭率領八十餘人搶劫
職員張桂林家後投入曹縣震卦教首朱誠貴
教內疊劫何鳳至等家供出畢可等茲據該大

名府知府劉寶第關會潯澤縣將畢臬畢可等
十三犯拏獲訊悉前情並究出隨同持械搶掠
之畢士官等十三犯均曾豎旗在黃河灘遇見
官兵抗拒殺傷多人旋即投入滑縣與逆首徐
安囑合夥在道口等處搶掠打仗後畏懼逃散
回家因挾張桂林控告之嫌兩次越境尋鬧經
長垣縣將畢二禿拏獲旋被畢大喜等持械奪
回關會獲案提省嚴審究辦奉

硃批嚴究祝逆下落劉成章尤爲切近嚴究毋忽

嘉慶二十年四月十七日

奏大名府屬長垣等縣與山東曹州府屬壤地相接今
畢臭等均係曹州府菏泽縣人該犯等曾經被脅
從賊搶掠村莊復敢於軍務告竣之後屢次越境
滋擾洵爲愍不畏法看來山東接壤境內此等不
法匪徒尙多未獲要犯祝現等或竟在彼依附潛
藏殊未可定臣現在諄飭大名道府並正定鎮總
兵督率地方文武各官復添派員弁在於各交界
處所素有習教村莊嚴密訪緝如得有祝現等踪
跡立即會同該管地方官密速擒捕不許稍有聲
張漏洩謹

奏奉

硃批勉力辦理

謹按嘉慶二十年五月十七日

奏報前據畢吳等供出之畢玉柱畢二柱尸畢拴柱屢
經咨催山東巡撫轉飭嚴拏茲據菏澤縣續獲
申解大名府委員解省飭司歸案審辦並加意
認真嚴拏祝現等要犯奉

硃批實心查緝獲時速奏勉之

嘉慶二十年八月初六日

奏爲審明被脅從逆隨衆搶掠各犯分別定擬恭摺具

奏事竊據長垣縣職員張桂林等呈控山東菏澤縣匪徒畢臭等搶掠糧食衣物一案節經臣咨會山東撫臣並飭屬關緝陸續拏獲畢臭等各犯將提省審辦緣由奏

聞在案茲據臬司盛泰督同保定府知府阿霖審擬招解前來臣親提研鞫緣畢臭與已獲之畢大復禮畢大喜畢大驢畢明畢玉柱畢連畢藏畢士官畢可畢二柱戶畢二禿畢開驗畢貴畢學文畢二瞎畢拴住均係山東菏澤縣畢家寨人向俱莊農度日嘉慶十八年九月十三日有山東曹縣已正法之

震卦教首朱誠貴與伊弟朱三朱四率衆到村燒燬寨門豎起白旗上寫奉天開道字樣逼令順從畢臭等之族長畢耀如見朱誠貴人多勢衆懼難抵敵恐遭殺害主使畢臭等跪迎朱誠貴進村朱誠貴在村挑選八十人派畢臭爲大頭目並派已獲之畢大復禮畢明畢玉柱畢士官同未獲之畢大鹿畢復義畢春景畢陶氣八人爲小頭目每名分管十人俱交畢臭帶領朱誠貴取出白布令畢臭等撕做腰帶分路出外搶糧供給食用迨後不記日期畢臭與已獲之畢大復禮畢大喜畢大驢

畢明畢玉柱畢連畢藏畢士官畢可畢二柱戶畢
二禿畢開驗畢貴畢學文畢三瞎畢拴住及未獲
之畢大鹿畢復義畢春景畢啣氣畢闕畢二長畢
李四畢士臣畢三蟒畢留城等有持械徒手不等
分路跟隨朱誠貴等搶掠魏家灣黃家集當舖及
隣近長垣東明縣屬張家樓等村事主張桂林等
家糧食衣物畢臭曾在黃家集當舖用鎗孔傷一
人行抵黃河灘遇見官兵鄉勇各犯不敢前進竄
回王利集打搶糧店畢明顯玉柱畢連畢藏畢士
官畢可畢二柱戶畢二禿畢開驗畢貴畢學文畢

三瞻畢拴住均各先行逃回朱誠貴率衆赴黃河
灘抗拒兵勇畢臭等均未敢幫同打仗朱誠貴復
赴春亭集與徐安憫會齊同至滑縣畢臭等並未
進城適朱誠貴之弟朱三聞知山東官兵勦捕其
家遂帶同畢臭等同至胡家集探望家口已被官
兵洗淨又逃至安陵集被官兵追趕畢臭等各自
逃散至十九年二月內經事主張桂林等控縣查
拏是年七月十三日畢大復禮畢大喜畢大驢復
聽從在逃之畢二長夥同畢闖等偕赴東明縣夾
隄王村王稚範家地內搶奪高粱並將佃戶朱保

住網縛王維範又赴荷澤縣呈控畢二長等挾嫌
兩次越境尋鬪二十年二月初八日長垣縣差役
率獲畢大喜之弟畢二禿帶至王茂集王盤家內
往檢畢大喜邀同在逃之畢闖等騎馬持械趕往
奪回並未傷差經東明縣稟獲畢谷朶一犯訛認
搶掠屬實卽在監病故當經臣嚴飭長垣東明二
縣關准山東荷澤縣陸續緝獲畢大復禮畢臭畢
大喜畢大驢畢明畢玉柱畢連畢藏畢土官畢可
畢二柱戶畢二禿畢開驗畢貴畢學文畢三瞻畢
拴住等十七犯先後稟經臣奏明提省審辦內畢

大復禮一犯解至中途病故又畢三瞎畢拴住畢
學文三犯先後在清苑縣監病斃提齊現犯研鞠
據各供認前情不諱嚴加究詰據畢臭等堅供實
係一時猝被教匪朱誠貴逼脅從逆隨眾搶掠均
未幫同拒敵官兵放火殺人平日亦均未習教與
逆匪劉成章祝現等並不認識實不知各逃逆下
落矢口不移案無遁飾查畢臭畢大復禮訊係被
脅從逆派爲大小頭目率領畢大喜畢大驢隨從
已正法之逆匪朱誠貴疊搶多次曾同至滑縣經
官兵追勦始行逃散畢大復禮畢大喜畢大驢於

軍務告竣之後復聽從在逃之畢二長糾搶一次
畢大喜聞伊弟畢二禿被獲又敢糾眾奪犯均屬
愍不畏法惟該犯等均非素係習教預知逆情亦
無幫同打仗情事尙與逆黨有間自應酌量懲辦
畢臭畢大復禮畢大喜畢大驢四犯均請擬斬立
決梟首解赴各犯事地方示眾恭候

欽定畢大復禮已解省在途病故應毋庸議畢明畢玉柱
畢連畢藏畢士官畢可畢二柱戶畢二禿畢開驗
畢貴畢學文畢三瞻畢拴柱亦訊係被脅從逆隨
眾分路搶掠第未同至滑縣卽行逃回事後亦無

另有爲匪不法別情均應量從未減以示區別畢
明畢玉柱畢連畢藏畢士官畢可畢二柱戶畢二
禿畢開驗畢貴畢學文畢三賠畢於柱十三犯均
請發遣新疆給額魯特爲奴畢三賠畢柱柱畢學
文均已監病故亦毋庸議進犯畢大慶等嚴飭
緝獲另結供招咨部謹

奏奉

硃批行在刑部速議具奏

謹按嘉慶二十一年五月十四日

奏報據投効緝捕已革知縣儲斗南等在豫東直三省

長垣開州交界一帶購線躡獲畢祿等八犯共
三起一起畢祿畢闕畢學燕三名一起麻星辰
王二狗袁勤余惜金四名一起王相弼一名解
省檄司發府研訊據畢祿供十八年九月在山
東荷澤原籍被教首朱誠貴逼脅從逆各處搶
掠並隨畢幅禮畢二禿等代楊大學仇殺宋學
詩一家三命該犯祇認砍傷一人因畢二禿畢
藏二犯業已發遣恃無質証狡供請

旨將畢二禿等二犯截回質對復據畢闕供亦係被朱誠
貴逼脅從逆曾隨畢大喜等在長垣奪犯據麻

星辰供認隨逆首徐安幘入教從逆抗拒官兵
受傷有據據王相弼供認從聞啟隴習教助逆
屬實惟畢學燕袁勤王二狗余惜金等堅供均
係被裏脅從旋卽逃回並無搶掠打仗情事各
等語現均飭各該地方官查明咨覆另行按擬
詳辦先將大概情形具奏奉

旨此案先經發遣新疆之畢二禿卽畢二小畢藏二犯著
該督卽行文陝甘總督截拏押解保定歸案審訊定擬
具奏

謹按嘉慶二十一年六月二十九日

奏未獲之畢幅禮等犯仇殺宋學詩一家三命砍傷二

人之畢幅禮等犯前經奏明仍飭原拏之已革
知縣儲斗南等速赴豫省一帶密拏並飭諭如
有弋獲要犯不可爭功將獲犯一面稟明一面
交地方官稟知本省辦理茲據該革員訪得畢
幅禮竄至河南考城縣楊橋地方該革員商同
考城縣知縣殷長福等將畢幅禮擒獲訊據供
稱嘉慶十八年九月內白蓮教首朱誠貴至畢
家寨將畢姓人等裹脅從逆伊兄畢幅義充當
頭目同畢祿等搶掠宋姓周彩文等家糧食又

代伊妻弟楊大學楊二學仇殺宋學詩一家三
命砍傷二人聞拏各處躲避今被拏獲等語並
解赴河南省錄供該革縣以畢幅禮妻弟楊大
學楊二學亦係要犯即將該二犯緝獲交長垣
縣管押聽候提訊稟報前來卽飭解省歸案辦
理並移咨河南撫臣將畢幅禮解直歸案訊辦
奉

硃批知道了

容安謹按此案經行文陝督截回已經發遣之
畢二禿畢藏二犯來直質審未到旋即交卸歸

後任辦理

嘉慶十九年四月二十四日

奏爲遵

旨查明覆奏事竊

臣欽奉

上諭松靈奏查辦吉林官兵所帶幼孩訊據河南滑縣人
劉三牛卽劉高旺供伊係教匪小頭目劉登秀之姪孫
劉登秀曾拜大頭目劉高明爲師又收伊兄劉惠牛卽
劉高玉爲徒上年九月滑縣滋事時劉登秀及惠牛俱
隨劉高明在道口與官兵打仗劉高明騎馬執大白尖
旗帶領一千人劉登秀執大白方旗帶領百人劉惠牛

執小白尖旗帶領十人各持鎗步行伊母舅薛呂牛亦在教內充當戰手伊與伊兄八牛卽劉高興均未入教謀逆等語劉高明等執旗領衆與官兵打仗均係滑縣滋事案內要犯著那彥成等檢查上年殲除各逆犯名單內有無劉高明劉登秀劉惠牛卽劉高玉及薛呂牛等四犯姓名如尙未殲除自必隱匿潛逃卽開姓名年貌飭屬嚴密查拏毋任漏網其八牛卽劉高興一名是否尙在原籍抑或在直隸河南二省出征官兵攜回幼孩之內並著該督等詳細飭查查出後訊明照例緝坐所有劉高明等年貌清單著發給閱看卽速查辦不准

疲玩查明速奏欽此伏查上年賊匪先在道口屯聚經官兵殺斃賊匪五六千人燒斃四五千人生擒三百八十餘名又鎗斃手執大白旗騎馬賊首十餘名又於投出難民內委員訊出賊匪冒充良民者三十餘人與生擒逆匪一併正法檢查名單有薛二牛之名雖與薛呂牛未能盡符但呂二字音相近誠恐卽係該犯至道口餘匪經官兵殺敗退據滑城之後臣督兵四面嚴密圍攻於十二月初十日收復是日賊匪被地雷轟斃無數殺斃九千餘名生擒二千餘名又於十一十二兩日殺斃賊匪

一萬七八千名燒斃七八千名生擒二千餘名十五日以後在於各地窖內刨出賊屍不計其數直至本年正月初間尙有具報刨出屍首俱係燒焦腐爛不能辨認是城內賊匪實已悉數殲除並無一名漏網檢查活賊名單有劉得修之名與劉登秀字音相似是否當時倉猝之際供未明晰抑另有其人此時無從辦證或該犯等在道口之時經官兵痛勦未入滑城逃散一二亦未可定臣現仍抄錄各犯年貌籍貫單飛咨河南撫臣並通飭各屬再加留心訪查以昭慎密至八牛卽劉高興一

名是否在直隸河南二省出征官兵攜回幼孩之
內臣現亦分飭各鎮協暨咨會河南撫臣詳查辦
理謹

奏奉

硃批知道了

嘉慶十九年五月二十九日

奏爲欽奉

諭旨恭摺覆奏事竊臣承准軍機大臣字寄奉

上諭前據貢楚克札布在宣化府拏獲許向榮卽安黑兒
一犯解交刑部審訊據該犯供係張姓經山東曹州府

人安姓收留取名黑兒安姓與李文成及彰德府楚旺鎮人劉大內黃縣孟家莊人劉二內黃縣十里堡人劉四均時常往來上年九月初劉大等到安姓家商量滋事安姓卽帶伊子安懷安春併該犯同劉大等往投李文成得受僞職曾在道口桃源司寨等處抗拒官兵經官兵勦敗同安姓劉大劉二劉四扮作買賣人逃往黃河邊一帶本年三月商量要往口外躲避安姓令該犯改名許向榮劉四改名張奎併令該犯及劉四先後行走由宣化府出張家口往喇嘛廟地方藏匿該犯行至宣化府被拏餘犯均尙未獲等情該犯等因查拏嚴緊

起意出口避匿許向榮在宣化被拏後或安姓等聞信不敢出張家口繞道逃至喇嘛廟亦未可定喇嘛廟一帶地方寬廣人烟稠密易致藏奸各該犯或沿途改易姓名此時洞跡該處裝作商賈及藝術人等掩人耳目若那彥成遴派幹員星速前赴喇嘛廟地方密訪嚴拏務獲解京審辦再祝現等六犯現未弋獲一名或因內地查拏嚴緊逃出口外著飭知派往之員一體嚴密躡捕如該處有傳習邪教之人訪明從此根究更易得其蹤跡一經報有獲犯迅速由驛奏聞痛改因循疲玩常思勤敏忠貞六犯必獲矣欽此竊思從逆各犯實爲

覆載所不容該犯等明知查拏緊急法所難逃自必改易姓名潛踪偏遠之處以冀苟延殘喘所有八溝喇嘛廟等處前奉

諭旨當經遴派候補文員並都守千把等多員改裝易服前往查拏迄今視現等六犯尙無一名弋獲臣晝夜惶急寢食不安茲該犯張姓旣在宣化被拏供出安姓劉姓等商同出口躲避誠如

聖諭或裝作商賈及藝術人等掩人耳目自應加緊查拏臣今現復添派叅遊都守十餘員馳往喇嘛廟一帶及關津隘口沿途分投訪緝最要六犯務期速

獲解究並再嚴飭各地方官激發天良認真設法
躡捕不使逆犯日久稽誅以結重案而紓

宸厯俟一有報獲立即由驛馳奏謹

奏奉

硃批看汝母子造化耳手疲力怠不必多論

嘉慶十九年六月二十六日軍機大臣字寄奉

上諭那彥成奏遵旨飭委員弁嚴拏逆犯一摺本日據劉
鏞之等奏據已革知州吳士鴻等在新城縣姚起營地
方拏獲李天相一犯訛據供認伊家三世習教該犯曾
經首逆林清偽封自在王其胞兄李天壽亦有偽封王

號與知逆謀並在京南瓜里村拏獲支進財之胞弟季
驟子卽支驟子一犯現已交部審訊李天相等均係從
逆要犯或籍隸新城或在京南附近村莊潛匿皆那彥
成所屬地方茲經順天府委員拏獲那彥成亦知愧知
懼否耶順天府委員不過數人屢有緝獲要犯那彥成
統轄全省其所委員弁較順天府不啻數倍乃數月以
來並未拏獲要犯一名其所稱遴派文武員弁分投密
訪嚴拏之語盡屬空言看來那彥成於緝捕一事仍不
免因循疲玩著傳旨嚴行申飭該督接奉此旨務卽嚴
飭所屬將祝現等要犯並次要各犯上緊偵緝務獲毋

稍疎懈仍遵前旨將緝捕情形十日具奏一次

嘉慶十九年七月初二日

奏據新城縣知縣陳景登於六月二十二日稟報六月二十日順天府尹委員將該縣姚起營人李天相拏去聞係林清案內逆犯尙有李天相之父李文元卽李老兄李天壽在逃未獲現在查拏等情當經臣批飭該縣迅速嚴拏解京審辦不得稍有縱漏茲據該縣稟稱遵卽督率典史會同營員帶領兵役馳至固安縣四里鋪地方將李文元李老老獲又躡至房山縣田開村將李天壽拏獲解赴順

天府衙門收審該縣在李文元家逐細搜查並無
不法字跡等情具稟前來謹

奏奉

硃批覽

嘉慶十九年七月三十日

奏爲審明定擬恭摺具奏事竊據安平縣拏獲臨城縣
教犯楊俊稟解來省經臣督同司府究出王大志
等輾轉傳教並鉅鹿縣民吳洛雲因伊父吳洛興
卽吳二瓦雖於大乘教案內犯事發遣病故囑托
路運寫信傳知會衆等情先後行提王大志等到

省訊取大概供請繕摺具奏欽奉

硃批嚴審定擬具奏欽此並於吳洛雲係教匪種類句旁
欽奉

硃批此犯卽應絞決斷勿姑息欽此當經轉飭審擬去後
茲據臬司錢臻督同保定府知府盛泰隆平縣知
縣陳晉候補知縣何繼志審擬解勘前來

臣提犯

研鞫緣吳洛雲籍隸鉅鹿縣其父吳洛興卽吳二
瓦罐係清河縣人劉功徒弟弟向習離卦教並常以
按摩治病惑人吳洛興傳徒隆平縣人高得信高
得信傳徒路運路運傳徒臨城縣人王大志王大

志傳徒同縣人趙幅泳崔懷敬趙幅泳傳徒同縣人楊俊惟崔懷敬楊俊並未傳徒吳洛興之妻張氏亦在教中吳洛雲未經入教亦不知其父傳徒若干教中之人因吳洛興流傳之徒甚多輩分最大故皆呼爲老當家並稱吳洛雲爲少當家嘉慶十六年間吳洛興因另案徒弟孫維儉等倡立大乘教事發問擬軍罪發配廣西是年七月內起解九月內吳洛雲邀同本縣人胡洛清隆平縣人程洛顯往送伊父盤費趕至廣西全州始遇伊父同行至永福縣地方吳洛興病故吳洛雲盤費無多

不能搬柩回籍起程歸里吳洛雲因難以慰母遂將同行之胡洛清等先行遣歸獨自備空棺一口寫立伊父牌位封釘棺內用車拉回於是月二十九日抵家捏稱伊父屍棺停放家內現在尙未埋葬吳洛雲先因伊父爲教案問罪不敢與同教人來往在家開設飯舖生理十七年十二月初一日路運赴鉅鹿縣趕會至吳洛雲舖內喫飯吳洛雲憶及伊父發配病故之事教中無人知悉起意傳知衆人希圖助資出殯並可往搬屍棺又恐招搖滋事欲往與伊父之師劉功相商遂將此意口授

疏

引同類之明証必應正法

路運寫書傳知會衆王大志見信卽抄錄所寫經
本內追吳洛雲往找劉功未遇尙未復行通知會
衆至十九年二月內楊俊因家貧難度出外賣卜
謀食行至安平縣白沙莊地方適值該縣汪問舟
在村編查保甲被獲稟解來省究出王大志趙輾
泳輾轉傳徒崔懷敬亦拜王大志爲師飭令臨城
縣查拏王大志等到案並在王大志家內起獲抄
寫經卷一本內寫傳知吳洛雲在配病改信一紙
並將路運吳洛雲一併拏解來省訊供具奏茲據
臬司率同保定府等審擬解勘前來臣親提嚴鞫

各供前情不諱究詰平日委無勾結逆匪謀爲不法該犯等與在逃逆犯祝現等俱不認識實無知情容隱亦無另有不法情事案無遁飾查律載左道集衆煽惑人民爲首者絞監候又例載左道惑人爲從者改發新疆給額魯特爲奴各等語此案吳洛雲之父吳洛興習教傳徒甚衆其徒楊遇山等釀成謀逆重案同教人等均皆呼爲老當家吳洛雲亦有少當家之稱乃於其父吳洛興擬軍發配病故之後罔知畏悔因無資搬柩回籍膽敢在途買備空棺運回停放家內起意囑令伊父第二

輩徒弟路運寫信傳知同教衆人希圖資助實屬
愍不畏法該犯既係教匪種類斷難容其復滋萌
孽爲害地方核其此次復欲集衆煽惑卽與爲首
無異吳洛雲應依左道集衆惑人爲首絞監候律
擬絞監候欽奉

諭旨卽行正法吳洛興之妻張氏現既訊明亦係教中人
不便容留內地致滋煽惑應請發往伊犁等處給
駐防兵丁爲奴以正人心而昭炯戒飭縣先行收
禁俟奉到部覆發配路運既從吳洛興之徒高得
信習教自收王大志爲徒迨吳洛興故後復聽從

吳洛雲寫信傳知會衆王大志聽從路雲入教傳徒趙幅泳崔懷敬其趙幅泳又傳徒楊俊均屬不法路運王大志趙幅泳三犯均依左道惑人爲從例發新疆給額魯特爲奴照例刺字路運到配加枷號三個月趙幅泳母老丁單不准留養崔懷敬楊俊僅止聽從習教並未傳徒應於路運等遣罪上減一等杖一百徒三年該二犯與罪應擬遣之王大志均於訊供後病故應毋庸議隨同吳洛雲往送盤費之胡洛清程洛顯現據吳洛雲供稱並非教中人第隨同犯屬遠送匪犯盤費亦非安分

之徒應各照不應重律杖八十飭縣傳案照擬折
責發落劉功高得信均已病故應毋庸議全案供
招咨部謹

奏奉

硃批刑部速議具奏

嘉慶十九年八月初三日

奏爲遵

旨具奏事竊照前因要犯祝現等六名次要各犯五十七
名未獲欽奉

上諭自奉旨之日按十日具奏一次緝捕情形如一次不

奏卽行議處欽此當經

臣凜遵

聖訓諄飭各地方官及派出文武員弁實力訪緝並節次具奏在案茲閱邸抄欽奉

上諭各處派出緝捕之人意存邀功冒賞偶遇踪跡疑似者卽行妄拏呈報迨到案嚴鞫多有刑逼教供雖亟予昭雪而牽連波累業已身家蕩然是巨惡未除而良民已先受其害務各嚴飭所派員役當密購眼線查明踪跡確係正身迅速掩捕一經審實必立沛恩施若捕風捉影騷擾鄉曲必將妄拏之人照例治罪欽此又奉

上諭除各省接壤州縣犬牙交錯界在一二百里以內者

承緝之員不得互相推諉仍准其出境緝拏外其餘俱各專責成統率之員嚴督分轄之吏分轄之吏嚴責切近之司人人盡力期於本管境內深信不疑則遺孽盡除可計日而待也欽此仰見

皇上於捕誅凶逆之中寓保衛善良之意且蒙

示以賞罰專其責成

天語煌煌何異面承

提命

臣

伏讀之下實深欽佩前此

臣

訪得祝現現在山東

境內因密委守備劉興前往探訪又續派人接續探信今於初一日據續派之外委張清平回省

稟稱訪至山東恩縣交界之祝家莊有一人姓祝
口音全是京話在該莊之祝黑子家藏匿現聞查
拏緊急於月初間又欲他竄並據眼目稱認係祝
現等語臣一面添派遊擊圖勒畢善帶人前往捉
拏一面知會章煦就近派人協緝是否祝現總期
拏獲到案審明辦理查各犯逋逃日久正犯尙無
一名弋獲捫心自問悚懼難安現在遵

諭仍嚴查密緝務期按名弋獲茲自前次具奏之後又屆
旬日理合繕摺具奏謹

奏奉

硃批如得拏獲實信由四百里具奏

嘉慶十九年八月十四日

奏爲恭摺參奏事竊據圖勒畢善差人稟稱本月初三日該遊擊躡至山東恩縣腰站地方與先經派往躡之守備劉國興途遇詢問情形據劉國興告知外委張清平所稟之祝家莊係祖家莊在平原縣境內窩主名祖黑子並非祝黑子其家藏匿一人經眼目劉信將祖黑子家工人李二勾出盤問李二口稱那人黃臉黃鬚高大身量口音全是京話李二前往送飯皆係祖黑子自行接進李二曾

在外竊聽那人因查拏嚴緊向祖黑子發愁祖黑子答稱不必害怕我有姑母住在方家寺離祖家莊三十里到初九日我送你到方家寺藏躲等語並據眼目劉信口稱李二所說那人面貌不是祝現卽是祝瑞該遊擊密至該莊將李二喚出查詢無異因聞祖黑子家人衆不敢動手欲俟初九日那人出來掩捕詎等至十一日不見動靜該遊擊遂赴祖黑子家查拏那人已先期他竄將祖黑子拏住送交平原縣訊問祖黑子供稱那人是風鑑友人並非要犯祝現該遊擊亦卽回省等語遊

擊圖勒畢善經臣派委訪緝要犯既經得有踪跡

線索自應會同地方官密速掩捕雖實係祝現與否未可爲准然總應見真方爲可信該遊擊輒因祖黑子家人衆遷延多日致彼兔脫及拏獲祖黑子之後又不再搜其家亦不前往方家寺跟踪躡緝下落已屬畏蕙玩縱迨將祖黑子查拏時其家並無多人所訪亦未確實至送縣審訊供稱在伊家居住之人係風鑑友人亦不等候祖黑子交出令眼目指認以定虛實又不曾同平原縣審明遞行回省銷差尤屬糊塗昏憤當此緝捕緊要之際

未便稍事姑容理合據實叅奏請

旨將督標後營遊擊圖勒畢善革職留於直隸協緝俟擊

獲祝現到案再行奏請開復以爲玩縱要犯者戒

除飛咨山東撫臣向祖黑子嚴究窩藏之人究係

何人現在送往何處藏匿務得實在踪跡臣仍又

另委員弁前往跟蹤務期緝獲究辦謹

奏

嘉慶十九年八月十六日奉

上諭那彥成奏請將查拏逆犯畏葸遷延之遊擊請旨革

職一摺那彥成自抵直隸總督任後於緝拏要犯未經

緝獲一名此次訪有祝現踪跡派員遊擊圖勒畢善帶
同眼線前往查拏該遊擊延觀望以致逆犯聞風他
竄那彥成派委不慎咎無可辭乃僅叅奏圖勒畢善並
不自請議處甚屬非是圖勒畢善著革職來京俟逸犯
獲後如查明實係祝現再治其罪若僅係次要之犯則
革職已足蔽辜免其治罪那彥成革去雙眼花翎仍戴
單眼花翎並交部議處將來祝現等六犯悉數拏獲內
由直隸員弁拏獲一二名尙可加恩賞還那彥成雙眼
花翎若無直隸員弁拏獲者不能邀恩賞還也

嘉慶十九年八月初七日

奏爲拏獲要犯姜道學訊出供情先行奏

聞事竊查前據馮克善供出李文成小頭目內有姜道學
一犯住居南樂縣泗莊欽奉

諭旨令前署督臣章煦委員查緝等因當經章煦委員前

往南樂縣查明姜道學先期外出據伊父姜培基
供稱姜道學與在奉天承德縣西關開花爆舖之
開州人盛全德素識於十八年正月二十九日前
往投奔等語隨經行文咨查嗣准奉天府尹咨覆
據盛全德供稱姜道學已於十八年秋間回籍等
情業經臣恭摺奏

聞一面仍飭南樂縣並各屬嚴密查拏在案茲據大名府知府劉寶第稟稱七月二十四日將姜道學拏獲到案該府督同大名等縣研訊眼目質証始據供認實係姜道學居住南樂縣泗莊父名姜培基弟名姜道源姜道善姜道醇嘉慶十四年該犯與滑縣人張洛奉李幗富張洛進山西澤州府人盧第_二孟董牛在濬縣西關開店諭知張洛奉係李文成之徒封乾卦王該犯與李幗富等被其煽惑拜張洛奉爲師張洛奉各給白辨繩一條丸藥一粒服食是年十二月內張洛奉帶領該犯與李幗富

殊

等同到滑縣城內拜見李文成十七年十二月十八日張洛奉令該犯赴奉天大西關紅佛菴盛全德邊老八花爆舖內下書約定十八年閏八月十五口糾集同教之人進京造反許俟將來封該犯爲都督該犯於十八年三月行至奉天在盛全德等舖內居住七月二十八日盛全德病故邊老八未能邀人起事該犯於本年六月間起身回歸行至郡城卽被拏獲該犯之父與弟並未入教亦不知其從逆等語詰問該犯與祝現等並不認識亦不知祝現等下落等情具稟前來臣查本年三月

間准奉天府咨開據盛全德供稱姜道學於十八年秋間回籍今該犯供稱盛全德於上年七月二十八日病故並該犯於本年六月間回歸均與原咨不符惟該犯入教從逆已據供認其爲要犯似屬無疑臣一面錄供飛咨奉天府尹查拏盛全德邊名八並分咨河南山西巡撫嚴緝張洛奉等務獲謄

奏

嘉慶十九年八月初七日

奏此案

臣

接據稟報後因姜道學所供回籍年月及盛

全德病故之處與奉天府尹來咨不符批飭覆訊
一面正在繕奏間復據大名府知府劉寶第稟稱
該府於訊供具稟後亦因查對原案不符復提姜
道學研訊據稱上年三月十三日到奉天承德縣
西關盛全德花爆舖內維時盛全德已經患病舖
夥老八恐事無濟令伊至奉天西北七十里之
平安堡地方與邊老八徒弟孫富廷孫富來送信
孫富廷與鄧洛三劉大眼韓三禿至盛全德舖內
計議孫富廷劉大眼韓三禿赴鐵嶺給頭目傅得
忠送信約定七月內在廣寧縣南關老教頭安添

殊 殊 殊 殊 殊

殊 殊 殊

豹家商議安添豹有子安福祥安二子安四安
五安六至七月內伊與邊老八等到安添豹家會
議時有二三十人在彼伊僅認識劉四巴胡麻子
此外不知姓名約定前八月初十日各帶手下人
至_六寧縣齊集隨同安添豹前往通州到後八月
十五日起事邊老八等各散伊在安添豹家居住
因下雨十餘日衆人未齊到九月內聽得大名一
帶起事各處查拏教匪又聞同教之張七服毒身
死仍被戮屍劉大眼劉四巴亦被拏去伊畏懼不
敢回家本年正月知事已平定卽從安添豹家起

殊 殊

殊 殊

身回歸沿途討乞行至大名郡城卽被拏獲前供
盛全德病故係屬捏飾並據將各犯年貌籍貫逐
一供出開單稟請飛咨查拏究辦前來查該犯所
供均係奉天府屬地方之犯自應卽將該犯逃速
押解赴京交刑部審辦以便行文查拏臣仍將現
供咨奉天府尹將盛全德等按名查拏解京歸
案審辦謹

奏

嘉慶十九年八月初八日軍機大臣字寄奉

上諭那彥成奏拏獲要犯姜道學訊供據稱在涇縣開店

與滑縣人李惲富山西人盧第二等拜李文成之徒張
洛奉爲師張洛奉令其前赴奉天約盛全德邊老八等
糾集同教之人進京起事等語盛全德張洛奉盧第二
等犯已有旨分飭奉天河南山西嚴密查拏其姜道學
一犯著派成印派委委員將該犯嚴密鎖鑰押解來
京交刑部收審

嘉慶十九年九月十八日

奏前據大名府稟報拏獲次要逆犯姜道學一名業經
奉明解部審辦臣因姜道學供出在奉天大西關
紅佛菴開花爆舖之盛全德邊老八係開州人並

據供出盛全德有子盛保成盛三兒誠恐潛回原籍復經嚴飭訪緝去後茲據大名府知府劉寶第稟稱遵卽委員前往開州會同查訪茲據委員查明遷老八久已挈眷在奉天居住原籍並無親屬盛全德並子盛三兒亦在奉天並未回籍搜查盛全德家內並無違悖經卷亦無違禁軍器等件將盛保成拏獲訊據供稱伊父盛全德與弟盛三兒在奉天貿易多年伊與母潘氏弟盛保成在原籍居住伊與姜道學並不認識伊父盛全德有無習教從逆並不知道等語委員押解來省經臣親訊

無異查姜道學業經解部盛保成所供是否屬實
自應解部與姜道學質訊方可以定虛實且委候
補知縣劉廷瑗將盛保成解赴刑部收審謹

奏奉

硃批刑部知道

嘉慶十九年九月初一日

奏爲遵

旨嚴審定擬具奏事竊照景州武生呂占魁在儒學稟稱
上年九月十三日葛錫華向伊姪呂岐告知十五
日白蓮教起手鬧事囑其就近赴汪英傑家躲避

預知逆期必係匪黨呈請查拏一案當經河間府
拘訊汪英傑葛錫華均不承認臣一面飭令該府
嚴密訪查一面行提人犯到省審訊各等情恭摺
具

奏七月初一日奉到

諭旨嚴審逆情從重定擬勿稍踈縱欽此旋據該府將汪
英傑葛錫華及應訊人等押解來省當經飭委保
定府率同委員等訊出葛錫華汪英傑俱拜從李
會一爲師習教並預知逆期之葛文台及在葛文
台酒舖內傭工另案擬徒之侯添幅等一併案內

緊要犯証先後按名飭提到省

臣

督同司道及保

定府遂加研訊緣李會一籍隸景州住於劉智廟
地方向開歇店生理拜從另案正法之離卦教首
李盛德爲師學習拳棒念誦真空家鄉無生父母
八子葛文台汪英傑常往劉智廟趕集住宿李會
一店內遂俱拜從習教上年九月初九日葛文台
將伊姪葛錫華領至李會一店內拜師入教習學
拳棒初十日葛錫華復往演習李會一向稱伊師
傅李盛德告知十五日白蓮教起手鬧事葛錫華
驚懼李會一密言有李盛德給與奉天開道白布

小旗插立門首可免殺害十一日李會一來至州
城趕集卽密交葛文台白旗一塊並稱路過十里
舖曾給與汪英傑白旗一塊十三日葛文台慮及
姪婿呂岐並其父呂貫一難以遠來伊家避難欲
令就近赴同村之汪英傑家躲避遂開寫呂貫一
名保一個令酒舖工人侯添幅送至汪英傑家託
其照應旋因未向侯添幅言明慮及汪英傑不能
領會復令葛錫華親往帶同呂岐前赴汪英傑家
當面囑託汪英傑以業經李會一給與白旗可以
避難慨然允許迨至十五六等日官兵陸續到州

出示安民搜查教匪該犯等心生畏懼各將白旗
燒燬至汪英傑家搜出黃布執照二均係素業道
士張現給與汪英傑之母身後路引路程摺一扣
係工人呂得幅在大道拾獲並非教內不法字跡
各等情臣復查李會一葛文台於到案後旋即監
斃無從根究而汪英傑既經得有白旗葛錫華亦
預知逆期顯有一氣通同情事不但祝現等最要
次要各犯踪跡應向嚴切根究並恐另有未經敗
露夥黨不肯據實供吐復向逐層嚴切研審據供
伊等住處距李會一家尙有數十餘里入教未久

實不知李會一有無夥黨卽現蒙指問之最要次要各姓名亦素未聞知無從供指至九月十五日約期係李會一向其告知伊等聞言畏懼接受白旗希圖免禍現有出首之呂岐可以訊問實無與教匪等通同謀逆情事實之呂岐供稱伊叔岳葛文口令妻弟葛錫華送伊至汪英傑家原止囑託在伊家避難伊事後向叔呂占魁告知慮及受累始行出首比時實未見汪英傑等別有謀逆形跡反覆究詰俱各堅供不移似無遁飾臣查律載謀反大逆知情不首者杖一百流三千里又例載左

道異端煽惑民人爲從發往新疆給額魯特爲奴等語此案習教傳徒預悉逆謀布散白旗應以李盛德爲首該犯罪大惡極前經拏解刑部凌遲處死並代散白旗之李會一到案後隨即監斃均毋庸議外葛文台汪英傑接受白旗冀免殺害究無通同謀逆情事惟與葛錫華均與知逆期不即舉首律應擬流該三犯聽從入教應從重定擬葛文台業經監斃汪英傑葛錫華應照左道惑衆爲從例發往新疆給額魯特爲奴侯添幅訛無預知逆期情事惟不查問何事率爲葛文台遞送字條亦

有不合業經另案擬軍減徒應免重科張現素以
道士營生所給汪英傑黃布執照二塊係爲汪英
傑之母身後路引並非邪教不法字跡應毋庸議
並全案供招咨部謹

奏

嘉慶十九年九月初三日奉

旨此案汪英傑葛錫華聽從入教預知逆期原擬罪名尙
輕著交刑部核議具奏

嘉慶十九年十月二十二日

奏爲酌定覆查保甲章程恭摺奏請

聖訓以便久遠遵守事竊照編查保甲爲盤詰奸匪之良法節經臣工條奏並蒙

皇上指示凡編查之法無不條分縷晰綱舉目張均經先後欽遵辦理現在已據各屬陸續具報查竣第居民遷移不定戶口增減靡常若不隨時覆查不但戶口數目未能準確兼恐日久廢弛良法仍同虛設是雖查與未查等殊非仰體

聖主綏靖閭閻防遏奸宄之意惟是小民各有事業若不酌定時限常年查辦恐於民間生計或有妨礙臣伏思一歲之中惟秋收之後居民已無事事此時

再加查辦非特民無擾累且外出耕作及各項傭工之人均已漸次歸里其間有無匪徒混跡更可逐一稽查不致稍有遺漏臣愚昧之見應請飭令各州縣於秋收後曉諭各村保長人等將本村戶口自行逐細查明造具草冊呈送該管州縣親往覆查遵照奏定規條取具互保甘結將門牌照改填寫按戶懸掛不得假手書役以杜需索之弊倘有來歷不明及平日形踪詭秘無人具保者必非安分之人卽時拏獲究辦不稍寬縱仍責令該管府廳直隸州親往抽查其直隸州保甲責令該管

道員抽查務須輕騎減從不得多帶員役以免擾累如有原辦不實之處指名參奏以懲玩忽該道府廳直隸州查竣之後具稟督撫兩司核對具詳由督撫察核於歲底彙總具奏不得視爲具文如此若久辦理庶免日久廢弛於編查保甲之道似覺核實臣直省現卽照此辦理謹繕摺具奏謹

奏

嘉慶十九年十月二十四日奉

上諭那彥成奏酌定覆查保甲章程一摺編查保甲一事詰暴安良最爲善政上年冬間朕明降諭旨通行飭辦

自京畿以及直省次第奉行本年八月間朕恭謁

東陵蹕路經過各州縣見比戶懸設門牌開載甚晰詢問
自外省來京大小官員亦僉稱遵照令式一體編查是
此次京外辦理保甲漸有成規惟居民遷移不定戶口
增減靡常若不隨時查核則先後參差仍屬有名無實
各省地方官因循積習大抵始勤終怠祇爲塗飾耳口
之計稍閱歲時又復視爲具文漫不經意那彥成所奏
每年秋收無事後外出耕作及各項傭工人衆歸里之
時請再行稽核庶免匪徒混跡所辦甚爲核實著各直
省通行照辦州縣官於秋收後先行曉諭各村莊保長

人等將本村戶口自行逐細查明造具草冊呈送該管州縣親往查核悉遵辦定規條取具互保甘結將門牌照改填寫按戶懸掛仍責令該管道府直隸州親往抽查查竣後稟報督撫交兩司核對具詳督撫於歲底彙奏一次至祝現等各要犯縱使詭跡潛跡不能出版輿之外但恐變易姓名扶同隱混各州縣編查戶口之時遇有客籍寄居之人必須加意審察如地方素有習教之家則保長鄰佑尤當設法稽考密加訪詰如果地方官人人奮勉治一縣如一里治一府如一縣推而至於各直省則燭照數計奸徒將何所托足若陽奉陰違虛

應故事更或藉此擾累良民一經察出必將奉行不力之督撫嚴懲不貸將此通諭知之

嘉慶十九年十二月十八日

奏爲復查保甲尙未一律報竣應俟來歲春間再行彙核具奏以昭核實事竊照直省保甲前經臣酌議於每年秋收之後普律復查一次並責成該管道府臨州親詣各處抽查以免日久廢弛奏奉

諭旨准行在案兩月以來已據各屬陸續稟報查辦亦有具報查竣者惟遷徙之戶不一而足既須逐細編查不可稍任脫漏卽從前查過之戶現在男婦人

口核對門牌所填數目莫不比前增多推原其故
因上年冬間查辦之時民心疑惑少壯丁男多有
未敢報出今見安靜已久此事實係綏靖閭閻之
善政莫不知感

聖恩此時無論紳民士庶始聽悉數開報是此次復查較
之初次編查尤須認真辦理臣現飭道府分督各
州縣務須實心實力詳細查辦無得再任隱漏至
時日亦不妨稍緩總期實在斷不可草率了事統
限來歲三月中一律報竣彙核具奏至承德府
並各州縣地方寫濶流寓之戶遷徙無定編查保

甲尤爲緊要雖經臣節檄催辦第相距遙遠究鞭長莫及合無仰懇

聖恩勅下熱河都統和寧隨時就近督率查辦報竣之後仰由和寧彙奏俾通省保甲均可迅速蒞事謹

奏奉

硃批一派虛詞搪塞汝自告知和寧朕實無暇論及

嘉慶二十一年正月二十二日

奏爲復查保甲完竣事竊照直屬保甲前經臣酌議於每年秋收之後普律復查一次並責成該管道府臆州親詣各處抽查以免日久廢弛奏奉

諭旨准行嗣因從前查過之戶男婦丁口莫不比前增多較之初次編查尤應認真辦理復經臣檄飭道府廳州分督各屬詳細查辦統期確實不可草率了事奏請展限各在案上年秋收之後通省豐熟外出歸業及傭作歸里之人尤多臣嚴檄通飭遵照奏定規條取具互保甘結按戶填註入册稍有來歷不明及平日行踪詭秘無人具保者即時拏獲究辦仍責令該管府廳直隸州親往抽查其直隸州保甲責令該管道員抽查茲據各屬並各道府廳州陸續稟報復查完竣均與初次編查之時男

婦丁口有增無減間有各項匪徒立即究獲稟辦
閭閻安堵委無奸匪漏跡各等情由兩司核對具
詳前來臣覆核無異並飭各屬務須永遠實力奉
行仍隨時稽核毋致始勤終怠別滋擾累等弊謹

奏

嘉慶二十一年正月二十四日軍機大臣字寄奉
上諭那彥成奏復查保甲完竣一摺上年直隸通省秋收
豐稔外出歸業及備作歸里之人甚多經該督通飭各
屬將保甲烟戶普行覆查具結申報但此等外來歸業
人內卽難保祝現等六逆及次要各逆犯改易姓名潛

迹編入保甲之中著那彥成再嚴飭所屬務於此內留心察訪其平素習教之家尤當加意密查如有來歷不明及行蹤詭秘者立即嚴拏究辦毋得稍有疎懈

嘉慶十九年十一月二十五日軍機大臣字寄奉
上諭那彥成奏本年年班請令天津宣化二鎮總兵進京叩賀元旦等語向來直隸總督提督鹽政於年底進京叩賀元旦總兵等亦輪班進京惟現在各要犯日久未獲地方大員均應在任督辦那彥成於本年八月內甫扈蹕前往

東陵每日召對嗣伊叩祝萬壽到京赴盤山查勘工程往

返過京又經屢次召見此次封印後著毋庸來京當認
真督率地方文武各員上緊緝捕並著該督傳知徐錕
廣惠均當以緝拏逆犯爲要本年底均無庸進京其
總兵年班亦暫且停止各留本任辦事明歲春圍該督
等應行隨扈者再照例隨扈可也至逆犯祝現等六十
餘犯至今無一就獲其故殊不可解若謂各處查拏懈
怠則近日東城指揮拏獲屈幅兒王三二犯訊明供認
上年從逆屬實皆在指拏名單之外者卽邵彥成本日
奏到訪獲賀金標一犯亦係單內無名之人最伊等於
此等漏網之犯俱能訪獲轉於指拏要犯故涉疎縱現

據屈幅兒王三兩犯所供皆云在外躲避日久近因無人指拏回家看視旋經被獲伊等所逃之處皆在直隸境內何以該州縣未經盤獲恐指拏各犯亦有似此過境往來地方官漫無知覺者聞直隸各州縣將發出指拏要犯名單刊列賞格各處粘貼殆遍似此通衢各逸賊一經到境自必見而遠颺其同教之人亦必潛通信息令其變易姓名輾轉遠徙或於複壁地窖窩藏逾固是非羅而捕之竟係毆而遠之矣著該督密飭地方官將發去逆犯年貌清單存留公署或照開清摺密交緝捕之人其境內張掛賞格除業經風雨漫漶者此外一

律毀除使逆犯等聞知外若查緝漸懈各地方官及委員等一面密訪習教之家加倍嚴查庶不露聲色密布網羅可期次第報獲也

嘉慶二十年二月初一日

奏爲遵

旨審擬具奏事竊查景州民人宋太平赴步軍統領衙門
密首宋幅常等係逆犯宋耀隴徒黨等情一案欽
奉

諭旨著臣派委文武大員將各犯按名緝獲解省審辦臣

當卽飭委天津鎮總兵祥啟候補道祝慶承馳往

景州等處將劉三謝文明劉曾白士得白士纓等
五名拏獲查明宋樹加卽係前奉

諭旨飭拏之宋杼甲已經景州拏獲解省行至中途病故
劉二亦因病物故周小智父子卽周學治周宗城
已解部審辦宋幅常謝二坯先期外出等情稟

繕摺奏

聞並據宋耀隴族長宋悅亭呈稱宋耀隴長女宋大姐及
逃後回歸之次女宋三姐經伊收養據實呈首等
情又據景州續獲謝二坯到案隨一併提解來省
飭委候補道祝慶承前任保定府知府盛泰審辦

劉三等堅供並非宋耀隴徒黨平日亦無習教情
事提同宋太平質訊自認挾嫌誣告惟劉三之兄
劉銀並劉曾之弟劉元據供均被山東拏去究因
何事犯案如何審辦有無牽涉劉三等之處必須
咨查原案方可審訊定擬庶免罪名出入當據詳
請咨查嗣准山東撫臣咨覆劉銀被宋耀隴之子
宋玉林在刑部供扳學拳習教傳授徒弟並宋耀
隴囑令劉銀轉邀葛文智等在家等信行文查拏
被德州獲解現已訊明劉銀並無其事實係宋玉
林妄扳錄供咨部核辦劉元預知宋耀隴逆謀並

不阻首業已按律擬斬具奏等因咨覆飭該道府
等核審而宋太平旋卽在押病故茲據候補道祝
慶承保定府知府阿霖提訊劉三等各供擬議由
臬司李鑾宣詳解前來臣親提研鞫緣宋太平原
籍山東德州寄居直隸景州焦麻莊皮匠爲業與
白士德劉三謝文明謝二坯劉會均有嫌隙嘉慶
十八年十一月間宋太平族祖宋抒甲卽宋樹加
被宋樹德在山東供出謀逆關會景州拏獲解至
阜城縣地方因病身死宋太平覬覦宋抒甲家產
因見族叔宋幅常向在宋抒甲家居住心疑已給

長女大姐囚已許解姓爲室免其緣坐經該族長
宋悅亭收留維時宋耀隴次女三姐逃走在外乞
食未經一併拏解宋劉氏捏供病故迨後三姐回
歸亦經宋悅亭收留撫養六月間宋太平因見各
處貼有查拏逆犯告示賞格意圖得賞隨將宋幅
常並素日有嫌之白士得等指爲馮克善等徒黨
夜聚明散捏稱係宋大姐向伊告知赴步軍統領
衙門首告並將業已病故之宋樹加劉三及已獲
解部審辦之周學治父子一併牽入奏奉

諭旨交

臣

派員查拏劉三等來省訊供咨查原案飭委候

補道祝慶承等訊明擬議由司詳解臣親提研鞫
各供並非馮克善等徒黨亦無入教謀逆情事究
詰不移案無遁飾查宋太平圖得獎賞輒敢挾嫌
將白士得等指爲逆犯馮克善等徒黨捏詞首告
殊屬刁詐本應按律坐誣已於訊供後在押病故
應毋庸議白士得白士纓劉三謝文明謝二坯劉
曾訛非馮克善等徒黨亦無習教情事應請省釋
宋幅常有無隨同宋杼甲入教應飭景州嚴緝獲
日訊明另結再查宋耀隴之女宋大姐前經訊明
已許解剛爲孫媳是以照律免其緣坐今解剛因

宋大姐係逆犯之女，不願結親，已經返婚，自應仍行緣坐。又宋耀隴八歲次女，宋三姐前因伊母劉氏捏供病故，茲已送案，亦應按律問擬。宋大姐、宋三姐應照刑部奏定章程，改發福建、廣東、四川、甘肅四省駐防官兵爲奴。宋三姐年未及歲，卽令伊姊宋大姐攜帶赴配。宋悅亭明知宋三姐係逆犯，宋耀隴之女收留在家，本有不合，姑念一經委員查辦，卽據實呈首，尙知畏法，應免置議，並供招咨

部謹

奏奉

硃批刑部議奏

嘉慶二十年二月初一日

奏爲訪獲習教匪犯現在提省研究恭摺奏

聞事竊據采育營都司稟報訪獲已經正法逆犯劉進才

之父劉大一名押解來省

臣

督同臬司李燾宣通

永道盛泰保定府知府阿霖研訊據該犯供稱東

安縣新莊人曾於十六年二月間至通州羊修店

李玉隴家傭工其義子劉進才在李玉隴堂叔祖

李老家做工李玉隴與李老同居各學均係白蓮

教經李老之婿卽已獲正法之邢貴榮向其告知

李老恐該犯走漏風聲囑邢貴榮勸該犯入教該犯隨拜李老爲師念真空家鄉無生父母八字真言後李老等如何鬧事被獲正法該犯已經回家並不知道亦不知伊子劉進才從逆等語復向究詰該犯一味支飾並無實供臣查李老等係習教謀逆之犯該犯劉大旣在李老家傭工入教謂無預知逆謀亦不知其子劉進才謀逆情事殊難憑信當再督同司府嚴切根究再視現等犯仍飭屬嚴緝尙未報獲合併陳明謹

奏奉

硃批嚴審明確具奏

嘉慶二十年二月初七日

奏要犯祝現等節經飭緝迄無弋獲

臣奉

嚴旨惶悚焦急無地自容竊思該犯等均係附近之人潛

逃自不甚遠總在平日習教及素有瓜葛之家窩

藏臣現抄錄各犯年貌籍貫清單飭發各該州縣

添僱真正眼目密爲躡捕一面諄飭派出員弁在

於各要路留心偵緝一俟得有踪跡立即擊解不

許稍有縱漏謹

奏奉

殊批京師各衙門又獲十餘犯現在嚴審汝知愧否

嘉慶二十年二月十八日

奏要犯祝現等日久未獲臣實深焦急前經臣劄飭各

學教官傳諭生監務各在於本鄉留心訪緝如得
有要犯踪跡立即通報教官會同地方官迅速擒
捕並許以果能訪獲要犯必當奏請

聖主加恩或賞以官職或賞以銀兩若藉端妄拏滋事亦
加倍治罪現據各學稟報各處生監奮勉急公踴
躍偵緝臣仍嚴催地方文武各官實力躡捕不得
稍有縱漏一俟獲有要犯另行具奏謹

奏奉

硃批覽

嘉慶二十年三月初四日

奏爲拏獲被脅從賊匪犯姓名核與次要逆犯相同請
旨解部質訊事竊臣接據已革把總張景龍稟報在河南

滑縣地方拏獲從賊匪犯趙德一田茂貴二名核

與次要逆犯名姓相符當卽批飭臬司委員迎提

到省訊供稟報茲據該司盛泰督同保定府知府

阿霖稟稱查趙德一等於二月三十日據張景龍

押解到省隨逐一研訊據趙德一供滑縣王家道

口人木名趙得元因伊堂姊夫侯誠義指引官差查拏時錯叫趙德一伊素不習教十八年九月間被族兄偽總兵趙二逼令入夥給與白布一塊白蠟桿一根伊僅止在趙二家中服役並往賊營運送乾糧並未打仗殺人又據田茂貴供滑縣南召集人素未習教伊妻父張禮係屬教匪十八年九月間張禮勸令助逆免被同教殺害給與白布一塊柳葉鎗一根伊無奈應允跟隨偽總兵趙二與官兵打仗旋卽畏懼逃避並未進京滋事各等語復向各犯究追逸犯劉成章等下落僉供並不認

讞等情錄供具稟前來查趙德一果名趙得元伊
戚侯誠義自必諗知豈有錯呼趙德一之理當時
何又並不剖辯所供本名趙得元殊不足信又次
要單內有田茂貴一名係宛平縣大窪人據董幗
太供稱係劉呈祥派令跟隨田起祿滋事今現獲
之田茂貴據供滑縣南召集人籍貫雖不符合亦
未進京然安知非該犯等來往勾通與董幗太認
識一時將該犯籍貫誤供或亦情事所有查該二
犯名姓既與次要相同又有從逆情重自應提同
董幗太質訊理合奏明請

旨將趙德一田茂貴解交刑部提同董幗太質認明確按
例辦理如審明趙德一田茂貴等實非單開次要
之犯則該犯等被脅從逆已據自認確鑿亦例有
應得之罪謹

奏奉

旨交部嚴審

容安謹案此件

行在具奏向不奉

硃批已交部質訊

嘉慶二十年三月二十三日

奏爲拏獲逆犯審明定擬恭摺具奏事竊據廣平府屬

邯鄲縣知縣尹鴻璐稟獲趙德一名訛據供認前

歲曾在河南滑縣謀逆劫獄當經臣批令臬司提

省審辦據趙德供認拜張學武爲師習教聽從劫

獄屬實與未獲逆犯劉成章等並不認識等情錄

供稟報臣恐所供尙多不實批飭再加熬審並於

差次面奏

聖鑒在案茲據臬司盛泰督同保定府知府阿霖監提趙

德研審堅稱與劉成章等實不相識將該犯擬議

解勘前來臣親提研鞫緣趙德本姓金原籍山東

自幼經河南滑縣人趙幗棟收養爲子改名趙德
曾學唱戲迨義父故後義母改嫁趙德娶長垣縣
人師六成之妹爲妻生有二女嘉慶十八年二月
內師六成勸令趙德入教拜滑縣王家營巽卦教
主張學武爲師趙德與妻師氏一同習教念真空
家鄉無生父母八字是年八月十五日師六成卽
以老當家牛亮臣爲首欲動刀兵之言向告是月
二十日又令滑縣鳳亭村人張第二送給趙德小
白旗一桿白布十分每分二塊約定九月十五日
起事令趙德帶令十人趙德應允將旗留下所管

十人內有滑縣許家營人許紅德許大餘係許紅德等轉邀趙德並不認識布塊亦係許紅德等分啟九月初三日師六成因牛亮臣李文成被滑縣拏獲收禁又令張第二給趙德送信囑令於初七日跟隨同教人尉家莊趙剛贊進城劫獄趙德至期攜帶刀械與趙剛贊進城行至鼓樓前知牛亮臣等業已救出趙德在縣署前用刀砍倒一人與衆匪在城內住宿一夜次日聞有官兵前往勦捕趙德畏懼各自逃出改名金玉各處求乞度日並無知情容留之家至十九年冬底投至內黃縣民

王自付與盛班內唱戲王自付與同班人均不知趙德有習教從逆之事本年二月至邯鄲縣地方被該縣盤獲稟解來省研審供認不諱恐該犯明知逸匪劉成章等踪跡匿不供吐連日熬審至四五晝夜堅供與劉成章並祝現等均不認識亦未到過京城實不知劉成章等現在何處並稱張學武師六成張第二趙剛贊許紅德許大等及伊妻女均在滑縣後來得逃出與否實不知情等語覆詰不移案無遁飾查趙德既經習教預知逆情又復聽從劫獄聞有官兵前往勦捕遂各自逃竄卽

無抗拒官兵情事亦屬罪大惡極趙德應請擬斬
立決王自付訛無知情容留免其置議供招咨部
再要犯祝現等仍未據各屬報獲臣回省後復嚴
飭訪緝謹

奏

嘉慶二十年三月二十五日奉

旨趙德卽金玉著卽處斬餘依議

嘉慶二十年三月二十九日

奏臣欽奉

上諭緝拏祝現等最要次要各犯嗣後該提鎮等每月具

奏一次之處卽著停止那彥成仍督飭文武員弁將應
緝要犯上緊查拏毋使漏網不得以奉有此旨遂各心
懷懈弛欽此臣遵卽知會提督並各鎮總兵將按月具
奏一次緝捕情形欽遵停止臣仍當稟遵

聖諭督率文武員弁將未獲各要犯嚴密訪拏斷不敢因
奉有此

旨卽存懈弛之見致令要犯漏網至現在雖盤獲之人或
年貌相似或姓名字音偶同多係疑似之人是以
未敢瑣細具奏亦卽隨時查明省釋以免拖累謹

奏奉

硃批時刻留心勿稍大意應思不共戴天何忍膜視乎汝
係世臣非泛常可比也勉之

嘉慶二十年六月初十日

奏爲拏獲次要人犯供詞互異應請解部質審事竊據
署涿州營叅將烏庫勒德永定河南岸守備李存
志來省面稟訪得雄縣西柳村有次要人犯劉成
兒並伊義父劉進保二名在彼漏迹居住請查傳
究辦臣當卽派委候補同知蔣士鎔並該叅將烏
庫勒德前往查傳審問嗣據該二員會稟馳赴該
村將劉成兒劉進保拏獲隨飭押至省城臣督同

臬司盛泰審訊據劉成兒供稱雄縣西柳村人年十九歲實名劉成兒並不名劉大成亦非劉來成卽劉二成伊自幼經劉進保抱養爲子不知本生父姓名劉進保同居之兄劉進亭亦無子嗣與劉進保夥養伊一人爲子伊十六歲時同劉進亭拜本村白蓮教會首楊秀學習拳棒十八年九月初十外不記日子經同教人韓大法水叫伊進京可以得個官做伊父劉進保叫伊跟隨韓大法水同去次日至京城南首相離三四里地廟內買飯共食伊向韓大法水詢問去路韓大法水不肯告訴

伊見韓大法水等帶有鐵尺等件心生畏懼獨自
連夜逃回並未隨同韓大法水等進城滋事與祝
現等並不認識亦不知各逆犯下落等語訊據劉
進保又稱現在拏獲之劉成兒係名劉來成卽劉
二成並不名劉成兒係良鄉縣人黃姓之子自五
歲時經伊買爲義子並未與劉進亭夥養劉進亭
係伊分居堂兄有子劉大成年已二十七八歲伊
自幼拜本村人坎卦教主楊保爲師念八字真言
並八卦歌訣十八年九月十二日劉進亭帶同其
子劉大成與韓大法水等進京滋事後聞劉進亭

楊保在京正法劉文成並未回村不知生死當時
伊與現到之劉來成並未同往亦無囑令劉來成
跟隨韓大法水等進京之事今劉來成供稱名劉
成兒經伊囑令跟韓大法水進京中途逃回之處
係劉來成混供等語臣察看劉進保形狀極爲狡
猾隨提劉成兒質訊並無異詞劉成兒又供有隨
同進城情事查劉成兒劉進保業俱各認習教劉
進保並能背誦八卦歌訣其爲邪教無疑惟伊父
子供詞互異必須再加熬審臣因赴永定河查勘
水勢情形公出面囑該司督同保定府等嚴切根

訛錄供稟辦茲據該司稟稱連日督率保定府知府阿霖順德府同知姚嗣懋提犯隔別研審該二犯供執如前劉成兒又翻供並無進城情事稟請核辦前來臣檢查上年五月內准刑部咨緝次犯名單內開劉成兒卽劉大成係劉進亭之子年十七八歲白面無鬚雄縣西柳村人據范采原供係已到西華門之犯復據韓達子供稱十八年九月十五日早起伊在中頂南邊三四里地廟內約同喫飯該犯先行進城等語核對劉成兒年貌籍貫及所供進城滋事情節均與韓達子在部所供大

畧相同惟不認進西華門一節又單開劉成兒卽
劉大成係劉進亭之子今訛係劉進保養子亦稍
有不符而劉進保又稱劉成兒本名劉來成卽劉
二成並不名劉成兒亦非劉大成並無囑令跟隨
韓大法水進京之事其劉進亭已在京正法劉進
亭之子劉大成不知下落等語查劉成兒雖年止
十九歲但臣初次審訛該犯卽裝痴傻情狀並無
明晰供詞後經節次熬審始據供吐其情實屬詭
譎該犯是否卽係單開次要之犯當日曾否跟韓
大法水進京滋事中途逃回抑劉成兒卽劉大成

另有一人查案內逆匪有韓達子在刑部監禁正
可向其根究劉進亭劉進保弟兄實有幾子如果
劉進亭兄弟二人只有此子是此爲次要之劉成
兒無疑臣一面卽日派員將劉成兒與原供解部
提同韓達子認明質訊辦理以杜狡飾劉進保一
犯狡猾異常實係多年習教之人暫留省城熬審
或可於該犯內再究要犯如無可辨再行照例
辦理謹

奏奉

硃批刑部嚴審定擬具奏

嘉慶二十年八月十七日

奏爲拏獲逆案内律應緣坐之盧大水請解部核辦事

竊臣先經飭屬拏獲單開次要逆犯杜有兒一名

據供十八年九月十二日該村已正法之楊寶糾邀已獲之韓達子及未獲之盧德山等二十餘人分起行走入城滋事等語當將大概供情奏

聞聲請暫緩解部以便追究各要犯下落一面飭拏未獲各犯旋據固安縣知縣何貞雄縣知縣張禔會稟拏獲盧德山之子盧大水到案檄司提省審訊茲據臬司盛泰督同保定府知府阿霖詳稱訊據盧

大水供小的是雄縣西柳村人今年十八歲父親
盧德山母親趙氏小的有兄弟盧二水已於十八
年十月間出痘死了父親曾從本村的楊寶入會
十八年九月初間不記日子晚上楊寶到小的家
從懷掏出白布遞給父親父親就說曉得了把布
掖在襖筒裏楊寶就走了小的向父親查問是什
麼事父親把小的罵了一頓不許小的管他們的
事過了幾天父親就同楊寶楊秀韓大法水韓二
慌慌劉進亭劉大成韓五幅韓毛兒韓傻小子韓
大成兒韓達子們出外去了後來韓達子回來小

的向他問父親下落他說不知道小的並沒入會也
沒知情商同謀逆的事母親趙氏現在家中是實
臣伏查盧大水一犯既據供認伊父盧德山聽從楊寶入會收受白布並同韓達子等外出未回核與杜有兒所供脗合是盧德山確係從逆入城要犯盧大水趙氏律應緣坐惟盧德山曾否於入城時早被殲戮抑係逃回藏匿他處詰訊盧大水堅稱不知質之杜有兒亦稱盧德山與楊秀等進京後並沒看見回來等語查在部監候之韓達子與盧德山本係同村居住盧德山如何會同進城

滋事韓達子必能深悉現據盧大水逐層供認未
能指實又無案可稽相應

奏明將盧大水先行解部提同韓達子核審伊父盧德
山從逆實情將盧大水及趙氏應否緣坐之處託
明核辦並飛飭逃拏盧德山之妻趙氏續行解部
核擬其杜有兒一犯現仍飭令設法誘迫各要犯
下落俟審明另行解部謹

奏奉

硃批刑部知道

嘉慶二十年八月二十三日

奏

臣

派出緝拏要犯員弁近日據報已有弋獲之信現

在飛飭押解至

臣

差次以便親訊俟得有確供卽

當具奏其祝現等各犯仍飭各屬及派出員弁嚴

密緝拏謹

奏奉

硃批審明速奏

百齡能獲方逆洵屬能事可嘉汝亦自知愧否再不勉力可乎

嘉慶二十年九月初三日

奏爲研訊次要逆犯杜有兒並續獲之張鳳供詞均有

避就請一併解部提同監候之韓達子質訊以成
信讞事竊據新城縣知縣陳景登新雄營都司余
國柄會稟拏獲單開次要逆犯杜有兒一名經
將委審大概供情奏

聞聲明暫緩解部以便向其追究各要犯下落面奉

諭旨飭審在案

臣

遵卽檄司提省研審續據該營縣將杜

有兒供出之張鳳一名拏獲解省卽經嚴檄飭令

隔別詳鞫茲據臬司盛泰督同保定府知府阿霖

審詳內稱訊據杜有兒供小的今年五十六歲雄

縣羊定村人父親已故母親余氏小的四歲時母

親轉嫁與郭奇爲妻將小的帶到郭家並沒改姓
小的只有一個哥子杜順已死有七八年了此外
並沒親人小的十一二歲就不在郭家往各處討
乞度日乾隆四十七年不記月日在遵化州石門
地方偷竊衣服犯案因小的不肯供認州官用小
棒把小的兩踝骨打傷遞回雄縣五十八年不記
月日小的又同村人往雄縣拾取柴伙韓連出車
前往拉運拾完柴伙裝載車上小的站在車轆外
首用繩拴縛柴捆用力太猛繩子斷折小的仰跌
地上牲口往前走動車輪又從小的兩腿軋過當

時調治雖沒成廢因兩次受傷不能復元踝骨時常酸痛實在行走不快前蒙驗明並非裝點捏造所以不能做工平日在西柳村一帶討乞過度住宿空廟村中人家如有紅白事情或叫小的照應門戶或在一二里近處請客邀人或買辦東西藉此喫頓飽飯鄉人就叫跑腿那楊實在西柳村居住他家有紅白事情也常叫小的幫忙嘉慶十七年七月初六日楊寶叫小的搬到他家跑個腿罷小的因想免得在外討乞所以應允就是那日楊寶又叫小的入他榮華會許管小的一世穿喫小

的貪圖有得穿與一時糊塗應允小的並沒向他的
磕頭楊寶也沒教小的什麼話楊寶又指著名姓
叫小的替他往邀大營村張鳳大協村李淳和東
陽村李玉羊定村趙羣兒劉連美趙村戴保兒道
口村趙二格大甫村劉傻老李山根們九人都是
口傳並沒字據楊寶又自邀本村住的韓達子韓
五幅兒韓來成兒韓毛兒路得山韓二慌慌韓傻
小子劉進亭劉大成韓大法水並有容城縣草紙
管住的他女婿范姓陸續到楊寶家商量入榮華
會的事楊寶兄弟楊秀姪子楊老兒他兒子楊成

也在會中並沒圖像也沒經卷稱呼楊寶爲老師
傅不過說些要做好人的話並沒另有爲首也沒
大似楊寶的人十八年九月初八日楊寶叫小的
去邀戴保兒劉傻老二人到他家說話小的並不
知爲何事隨後又有韓五幅兒們往來商量楊寶
分給他們白布那月初十邊楊寶親自將張鳳叫
到家中說話張鳳有無收受白布楊寶曾否許他
做知縣小的適值走開並未看見不敢妄供楊寶
約定他們十二日齊集進京小的纔知道他要造
反到十二日只見劉連美趙羣兒戴保兒趙二格

劉傻老李山根李玉范姓因是外村人都在楊寶家會齊其餘的楊秀楊老兒韓達子韓五幅兒韓來成兒韓毛兒路得山韓二慌慌韓傻小子劉進亭劉大成韓大法水們在西柳本村居住各自回家他們是十二日半夜起身聽說分三起行走究有多少人同去小的並沒眼見那日小的實沒見張鳳的面楊寶自己並未同去後來只見韓達子劉連美二人逃回當被拏獲與楊寶一同解京的其餘多人都沒見回村實不知他們下落小的平日也不知道有祝現們這些人實不知逃逆踪跡

至楊寶要進京鬧事並沒預先向小的說起想因小的兩脚蹠受傷行走不快所以沒邀小的同去至十六年小的並沒代楊寶邀人實是前供錯誤再會內的李淳和上年因張九成案內被獲充發出去了是實據張鳳供小的是雄縣大營村人今年四十九歲兄弟張愷久已分居女人張氏生育四子大兒子有二十歲那三個都還小呢從前本縣高閣莊張慎修們入大乘教張慎修們犯案小的在縣具結悔過小的向作石匠手藝西柳村的楊寶時常見面所以認識的嘉慶十七年七月初

六日楊寶差杜有兒去叫小的到他家說話小的初不知何事見了楊寶說小的們大乘教已經散了他要起立榮華會邀小的入會小的應允就在他院裏朝天磕頭拜楊寶爲師告訴小的和睦鄉里孝順父母並沒說別的話到十八年九月初十邊楊寶親自將小的叫到他家中有韓二慌慌先在那裏楊寶分給小的一塊白布小的查問做什麼楊寶說是記號同他們進京鬧事將來許小的做個知縣小的纔知道他們是要造反心裏害怕當時回覆白布也沒接收楊寶還說小的沒膽氣

小的並沒答應回家走了後來他們如何進京鬧
事小的實沒同去其餘會中人小的都不認識各
等語臣查杜有兒於嘉慶十七年七月搬往楊寶
家中至十八年九月各犯進京滋事之時計已年
餘該犯先經入會繼爲邀人且楊寶預謀逆情杜
有兒在彼目覩毫無避諱其爲從逆無疑在逃各
犯斷無不知之理况楊寶興立榮華會名目原爲
藉此聚衆而設自必預有商謀逆情及八字真言
豈止講說善言是杜有兒所供殊非實情至張鳳
先入大乘教悔過免究乃復聽從楊寶續入榮華

會已屬怙惡不悛迨楊寶告知謀逆分給白布並許做知縣據稱畏懼並未收受之處亦屬狡卸至九月十二日會齊進京雖據杜有兒供稱並未見張鳳之面但張鳳所住之大營村與西柳村相去不遠查楊寶同村之韓達子等均屬回家後於半夜分起行走杜有兒多未見面則張鳳亦難保非係由家起身是以杜有兒無從相見並恐該犯等與各逃逆均相認識明知下落匿不吐實復逐層駁飭嚴加熬審該犯等堅供不移顯因質証無人有心狡展希圖避就

臣

伏查逆犯楊寶糾衆入城

滋事案內現在尙有韓達子等在部監候待質杜
有兒張鳳是否從逆有無進城韓達子必能深悉
相應

奏明將杜有兒張鳳二犯一並解部質訊俾免狡展而
成信讞至入會之李淳和一犯前因容留逃匪張
九成案內問擬烟瘴充軍已於十九年七月發配
廣東起解仍飛咨廣東撫臣訊取確供咨解刑部
核審謹

奏奉

硃批卽行解部嚴審

嘉慶二十年九月初三日

奏爲拏獲次要逆犯葛立業一名請解部審辦事竊

臣

屢經嚴檄各屬並派出文武員弁飭拏最要次要各逆犯務獲茲據河間協守備劉英魁阜城營千總閻玉阜城縣知縣李鵬會稟拏獲葛立業一名係奉刑部於十九年正月內單開飭緝次要逆犯核對年貌住址相符等情當經臣檄飭藩司錢臻臬司盛泰會同候補道程卓樞督同保定府知府阿霖迅速審鞫旋據稟稱訊據葛立業供小的年五十二歲係故城縣青罕莊人父母早故並無伯

叔兄弟妻子也沒房產向推小車度日葛文治是
小的族叔祖在景州居住他是老天門教劉坤的
武門徒弟傳習義台拳脚十八年七月內葛文治
到青罕莊招小的爲徒卽在伊徒馬十家拜葛文
治爲師教小的念真空家鄉無生父母八字真言
每日早上向東午時向南下晚向西朝太陽磕頭
叫小的勾引年輕有錢的人入教習拳馬十收現
在山東恩縣充當壯頭之李義兒爲徒學習拳棒
小的因窮苦没人聽信未曾招得到八月十五日
葛文治有信叫小的去告訴小的說河南滑縣白

蓮教造反了我們都是一家人給小的白布斜角
小旗一面上寫奉天開道四字又教小的得勝二
字口號約會白蓮教們反來時就拏白旗到宋躍
隴家相幫若有人查問口說得勝二字就認成一
家可免殺害小的當時應允到九月內官兵勦辦
反賊葛文治被山東拏獲究辦小的聽聞畏懼就
將白旗燒燬逃至故城縣孫禿子家藏匿隨後又
逃往各處推車討喫不敢回家並沒一定住址也
沒知情容留的人今被拏獲不敢狡賴小的實沒
到滑縣助逆也不知道各逆犯下落等語

臣伏查

葛立業一犯准刑部單開係葛文治族孫葛文治
係劉銀徒弟均係已正法逆犯宋躍隴之子宋玉
林供出葛文治業經山東拏獲在監病故劉銀亦
經山東撫臣訊無跟隨宋躍隴學拳傳授葛文治
之事咨部省釋今葛立業一犯一經拏獲飭令在
省司道會訊並未用刑卽據供認傳教咒語得受
白旗預知逆情不諱惟查該犯供稱葛文治係已
正法之劉坤徒弟與單開劉銀徒弟不符該犯供
認係葛文治徒弟亦非宋躍隴及劉銀徒弟詰問
該犯與葛文治如何跟同宋躍隴助逆則又恍惚

游移並無確供是否該犯狡卸抑係宋玉林誣扳
查宋玉林在部監候葛立業是否從逆宋玉林必
能深悉相應

奏明將葛立業解部提同宋玉林質訊明確俾免枉縱
而成信讞將葛立業解部一面徑檄恩縣故城縣
迅拏李義兒孫禿子獲案解部謹

奏奉

硃批刑部知道

嘉慶二十年十一月初三日

奏臣前准刑部咨將逆犯葛立業供出之馬十李義兒

查拏解部當卽行司飛速馳拏嗣經查明李義兒一犯已據山東恩縣拏獲解由山東撫臣解部其馬十一犯故城縣獲解來省飭發首府審訊據供伊與葛立業同莊素識伊曾隨同景州人葉良學習拳棒經本縣拏獲審擬徒罪援

恩減杖釋放葛立業與葛文治如何習教從逆伊不知道那有拜葛文治爲師並收李義兒爲徒的事查馬十所供並無拜師受徒之處顯係狡卸臣現已繕給咨批飭司派員將馬十解交刑部提同葛立業質審至葛立業案內應行解部之孫禿子一犯先

經臣獲案解部謹

奏奉

硃批刑部知道

嘉慶二十年九月初八日

奏爲審擬具奏事竊查前據大名府知府劉寶第稟報
杜勝營都司陳夢熊會同東明縣巡檢呂椿拏獲
滑縣石家莊逆匪吳裕呈吳城妮劉志高劉春牛
四名一案經臣飭司提省審辦具奏欽奉

硃批審擬速奏欽此當卽行司欽遵審辦嗣據臬司盛泰
督同保定府知府阿霖審擬解勘因值臣公出經

藩司錢臻代審無異錄供稟報前來緣吳裕呈吳城妮劉志高劉春牛均係河南滑縣石家莊人吳城妮係吳裕呈之子劉春牛係劉志高之子向做莊農度日並未習教與逆犯劉成章等均不認識嘉慶十八年九月間吳裕呈被業經殲斃之焦村教匪李梅率眾持械裹去逼令隨行吳裕呈畏死允從李梅分給白布包頭並給與長鎗一桿吳裕呈卽隨同李梅至滑縣北關拒敵官兵被烏鎗打傷左腿逃回經伊妻用簪將砂子挑出在家藏躲吳城妮與焦村教匪李玉林認識嘉慶十八年六

月內吳城妮與李玉林一處共飲李玉林勸令吳城妮入教未允是年九月初八日李玉林將吳城妮逼脅同至焦村與牛亮臣見面給與旗布馬匹隨同搶掠閬寨並至桐木村潯縣與官兵打仗兩次均被殺敗十月初七日乘空潛逃回家藏躲劉志高與子劉春牛係於嘉慶十八年九月內被桃園村教匪焦鳳來裹脅隨行派令收管糧倉並挑水巡更該二犯在賊營服役數日卽乘間逃回並未幫同拒敵官兵嘉慶二十年五月內吳城妮與劉春牛出外尋工行至長坦縣南兵集被杜勝營

都司陳夢熊派出巡兵同東明縣巡檢呂椿差役盤獲該泚兵等又將吳裕呈劉志高一併擊獲經大名府知府劉寶第訊供具稟奏明提省審辦各供前情不諱誠恐該犯等明知逆匪劉成章等下落匿不供吐復加熬審堅供不移案無遁飾查吳裕呈與子吳城妮誣明並非素習邪教預知謀逆惟被逆匪裹脅隨同拒敵官兵卽屬逆黨自應嚴行懲辦吳裕呈吳城妮均請擬斬立決恭候

欽定劉志高劉春牛被脅服役並無隨同拒敵官兵與吳裕呈等情稍有開自應酌量問擬劉志高劉春牛

俱請發新疆給官兵爲奴李玉林是否殲斃移咨河南巡撫飭查辦理供招咨部謹

奏奉

硃批行在刑部速議具奏

嘉慶二十年九月二十一日

奏爲嚴審定擬事竊查開州拏獲逆匪李鐸長垣縣拏獲逆匪童添柱經_臣提省審辦先後奏

聞在案茲據臬司盛泰督同保定府知府阿霖審擬解勘值_臣公出經蒲司錢臻代審無異錄供稟報前來緣李鐸本名李廷延係河南滑縣四間房村人與

同縣北湖村素習白蓮教之袁德建認識嘉慶十
五年間伊父李居伊子李惠入袁德建教內李惠
並娶袁德建故叔袁太之女爲妻十七年七月十
五日袁德建亦勸令李鐸入教念八字歌訣十八
年九月初七日袁德建糾邀李鐸等從逆給與小
白旗一面上寫奉天開道四字袁德建令李鐸在
賊營做飯李惠拒敵官兵許給李鐸知府李惠總
兵偽號李鐸與劉成章李文成牛亮臣等均未見
面迨袁德建被官兵殺敗帶領李惠夫婦逃進滑
縣城內李鐸逃往各處躲避童淋柱係滑縣青口

莊人先未習教嘉慶十八年九月十一日童添柱在地割豆被教匪程第七同不識姓名多人將伊裹至傅莊程第七給與白布一塊鐵鎗一桿逼脅隨行童添柱無奈應允跟至滑縣玉河西邊拒敵官兵敗回道口是月十八日賊首尹承德又約會桃園村留固村賊匪至滑縣與官兵打仗亦被殺敗童添柱畏懼逃逸並未進城亦無殺人放火情事本年五月間李鐸被開州兵役拏獲童添柱被長垣縣兵役拏獲解至大名府訊供具稟經臣奏明提省審辦供認前情不諱屢加熬審該犯等堅

供實不認識劉成章亦不知各逃逆下落該犯等
逃後亦無知情容留之家嚴究不移案無遁佈查
李鐸先則聽從袁德建入教繼又助逆在賊營做
飯得受偽封童添柱被脅從逆抗拒官兵均屬逆
黨自應一律從嚴懲辦李鐸童添柱均請擬斬立
決恭候

欽定袁德建李惠程第七據李鐸供稱已在滑縣殲銘伊
父李居已自縊身死是否屬實移咨河南巡撫查
明辦理供招咨部謹

奏

嘉慶二十年九月二十三日奉

旨李鐸卽李廷延童添柱俱著卽處斬

嘉慶二十年十月十八日

奏臣於十五日在天津校閱該鎮營伍完竣後卽起程
回省所有經過之靜海大城任邱高陽各處麥苗
出土青葱土膏滋潤民情靖謐足以仰慰

聖懷

臣

於十七日抵省將地方應辦公事趕緊清釐並督

率各屬上緊設法曬緝逆案要犯務獲不敢稍有

疎懈至師來明一犯現准陝西撫

臣

咨會派委候

補同知沈相彬押解來直定於十月初三日自陝

起程

臣

現已派員馳往沿途迎催一俟解到卽督

率司道詳細研究確情辦理謹

奏奉

硃批嚴緝密訪以期速獲加官晉秩慰汝萱堂

嘉慶二十年十一月十一日

奏爲遵

旨審擬具奏事竊照東明長垣二縣關隄河南滑縣拏獲

從逆案内匪犯王森韓金榜等一案先經

臣奏明

提省審辦欽奉

硃批嚴究逆匪踪跡爲最要欽此嗣據臬司詳請咨查河

南滑縣申覆督同保定府等覆審解勘前來

臣親

提研訊緣王森係河南滑縣王家莊人向與隣近

周家莊教匪張三羊交好嘉慶十八年七月初六

日張三羊向王森告知教首林清約俟八九月間

起事勸令入教王森應允當拜張三羊爲師九月

初十日張三羊僞稱乾宮王率領多人在於本莊

並至王家莊聲言滑縣官已被害勸令村衆入教

免遭殺害時村民周文重並鄭玉山聞知畏懼均

向張三羊磕頭張三羊卽令用白布束腰並分給

各家小白旗插在門上如遇教匪口稱得勝二字

並派王森爲乾宮伯大頭目將被脅之周文重卽
令王森管領張三羊並給王森大白旗一桿上寫
乾宮伯奉天開道王森字樣又派同縣奈家莊人
奈士林奈芝周家莊人周仁儉爲頭目適有山東
教匪張七領人至滑縣助逆經過周家莊張三羊
帶領王森等往見王森等卽隨從張三羊至東明
縣邵家寨一帶村莊裹脅搶掠數次捉獲邵家寨
人邵炳不肯從賊張三羊欲行殺害周文重因與
認識代爲求脫後邵炳曾向張三羊同村人鄭玉
山告知鄭玉山亦曾被張三羊嚇逼並未隨行王

森又同張三羊等至潘章集與官兵打仗殺敗當
同山東教匪逃至東明縣荆台集復被兵勇追殺
窮蹙始將車輛器械等項拋棄逃散時周文重先
因脚上患瘡潛回並未隨同拒敵官兵又現獲之
韓金榜係河南滑縣聞家莊人於十八年七月內
與妻趙氏均拜素習白蓮教之奈士林爲師並令
念真空家鄉無生父母八字是年九月初十日奈
士林率衆執持震宮伯白布旗號往招韓金榜入
夥搶掠韓金榜不允奈士林欲行殺害韓金榜畏
死免從伊妻趙氏一同跟往韓金榜因年幼無能

僅爲余士林剗草喂馬做飯並未隨同搶掠嗣余
士林至潘章集與官兵抗拒韓金榜畏懼卽與伊
妻趙氏乘間逃出方里集向劉心立捏稱係逃難
之人賃房居住推車度日旋有東明縣邵家寨矜
民邵添一等以村中前被教匪滋擾內有王森其
人係滑縣逆匪稟請緝究經該縣關隄滑縣拏獲
王森周文重二名又經長垣縣拏獲韓金榜與妻
趙氏同六歲幼女幅兒三名口先後稟解大名府
訊供並將東明縣庫貯原獲寫有僞號乾宮伯奉
天開道王森字樣白布旗一桿給與王森查認據

稱實係張三羊給伊之物前在東明縣荆台集被
兵勇追急掇棄屬實錄供稟經臣奏奉

諭旨提省審辦當經臬司督同保定府等訊據王森供認
聽從張三羊入教從逆跟隨率眾搶掠並在潘章
集與官兵打仗各情節與大名府原訊相同惟於
在東明縣荆台集被兵勇追獲窮蹙棄旗逃走之
後據稱自知悔懼投入鄉勇李永春等營內將張
三羊拏獲送交滑縣曾經孟知縣賞給頂戴並無
給有執照憑據此段情節前因孟知縣業已離任
恐致徒受刑訊是以未經供及今因憶及滑縣尙

有鄉勇頭李永春謝金標等可証據實供明惟求
行查又訊據韓金標堅供伊在潘章集並未拒敵
官兵實因從前與王森打架挾嫌是以將伊捏供
等語覆詰不移臣伏查王森入教從逆於得受偽
號白旗隨同搶掠抗拒官兵之後果係自行畏悔
投出復擒獲逆匪張三羊獻功其罪自可量從末
減第係一面之詞難以憑信旣據供有李永春等
可証自應查明核實訊辦庶不致有枉縱當經檄
飭河南滑縣就近查傳原充鄉勇頭李永春謝金
標到案查照王森現供情節訊明實在有無其事

取具確供飛送來直核辦在案嗣據保定府司獄
驗報王森在監染患傷寒病症旋報在監病故又
據東明縣續獲鄭玉山解省茲據河南滑縣知縣
陳筠詳稱訛據鄉勇頭武舉李永春武生謝金標
供稱十八年賊匪滋事伊等請領紅旗立營平賊
十月十七日原有素識之王家莊人王森投入營
內同衆鄉勇將教匪張三羊拏獲解交孟前縣轉
送大營正法屬實至王森先時曾否被褻後來有
無賞給頂戴均不知道等語錄供取結具文申覆
來直臣復飭司督同保定府等提同現犯覆加研

鞫各供前情不諱恐周文重等稔知逃匪劉成章
祝現等下落屢經隔別嚴究據該犯等僉供平日
與劉成章祝現等均不認識並不知各逃逆踪跡
實無知情徇隱並據鄭玉山供無習教從逆情事
究詰如一案無遁飾查王森係屬教匪又預知逆
情臨時復得乾宮伯偽號領人搶掠並抗拒官兵
經兵勇追獲該犯所得偽號白旗本律應凌遲處
死惟據供於棄旗逃走之後卽自知悔懼幫同鄉
勇頭李永春等擒獲張三羊獻功現經河南滑縣
傳到李永春等查訊實有其事取結申覆是王森

之罪尙可量從末減業已在監病故應請免其剉
屍緣坐韓金榜與妻韓趙氏拜從白蓮教匪奈士
林爲師迨後又被奈士林逼令入夥搶掠因該犯
不從欲行殺害畏死勉從同往僅爲奈士林斲草
喂馬做飯並無幫同打仗殺人及搶掠情事實係
被逼服役且旋即乘間逸出與始終從逆者不同
但旣經入教自應按例問擬韓金榜韓趙氏均合
依傳習白蓮邪教習念荒誕不經咒語拜師傳徒
惑衆者爲從發新疆給額魯特爲奴例發新疆給
額魯特爲奴韓趙氏係習教之婦不准收贖據實

發遣周文重先未入教係被裹脅隨衆搶掠並未
幫同打仗殺人核與逆黨有間第既經從賊若仍
容留在籍無以示懲周文重應發往新疆給官兵
爲奴鄭玉山屢訊堅供曾被逆匪張三羊逼脅並
未隨從第平口實在有無習教不法情事應解回
河南滑縣就近訊取地隣人等供結核實究辦該
犯等供出之教匪張三羊等均已拏獲正法起獲
布旗案結銷燬韓金榜房主劉心立訊無知情容
留情事應免置議供招咨部謹

奏奉

硃批刑部議奏

嘉慶二十年十二月初八日

奏爲遵

旨覆奏事竊

臣

於十二月初五日承軍機大臣字寄十二

月初四日奉

上諭現在將屆年節該督輪應進京隨班朝賀那彥成不
准來京來京亦不見仍交部議罪該省現有飭交審辦
師來明卽施老頭子一案尙未據說明擬結本日又有
交審之李劉氏控案該督卽在省城督飭所屬文武員
弁將祝現等犯上緊偵緝一面將交審各案逐一審明

具奏並傳諭提督徐錕亦以緝拏逆犯爲要本年亦無庸來京慶賀該督與該提督如果能於年內將視現等犯拏獲奏報朕必特予恩施彼時再來京謝恩可也欽此同日又奉

上諭該省各鎮總兵例應年班二人來京著那彥成卽飭知該總兵等本年俱無庸來京各在所轄地面將各逆犯上緊緝捕如緝獲要犯准令自行押解來京可也欽此跪誦之下臣不勝慙急惶悚之至當卽恭錄

諭旨傳諭提督徐錕並飭知該總兵等遵

旨俱無庸進京務以緝拏逆犯爲要各在所轄地面分頭

上緊訪捕不可稍有踈懈伏查

臣

日前歲恭奉

諭旨飭查保甲期於詰奸緝匪早淨根株

臣

實力督辦並

密派文武員弁分路梭織設法購線巡緝時刻期

獲要犯未敢一息踈玩近日內地各屬孳獲傳習

邪教及旗逃軍流等犯均頗不少各屬保甲今冬

又已復查戶口增減又歸著實印口外州縣亦因

均係襍處游民

臣

更飭加意嚴緝所有蒙古王公

亦皆感激

深仁極知關係緊要亦能各率所屬屢有獲送逃遁之案

昨又於西山之內恐未搜到分派三十餘員弁認

真查拏雖亦有盤獲尋常匪犯而於要犯終鮮弋獲實深焦灼欽奉

諭旨不准臣及提督總兵等進京慶賀

飭令上緊偵緝愧悚之餘倍深憤悶臣惟益凜遵

聖訓再行設法督飭所屬員弁加緊訪緝萬不敢稍存絲毫懈怠之念上負

鴻慈一面仍將應行擬結各案督同兩司分別迅速審奏其餘地方應辦事件亦均上緊督催切勿因循疲玩務更殫竭血誠以冀仰副

聖主諄切訓誡之至意謹

奏奉

硃批忠孝二字時刻毋忽勉力嚴緝切勿因循甘心居百
齡之下非廣庭之孫矣

嘉慶二十年十二月十七日

奏

臣 備員畿輔夙夜兢惕深懼稍負

委任仰托

聖主洪福直省本年秋收一律豐稔爲十餘年來所未有
現經臣 飭據藩司錢臻詳報本節年地糧徵收七
分有餘欠收二分有餘業經循例具

奏

臣 體訪各屬糧價平減轉有穀賤妨農之虞恐輸納

不能踴躍仍飭道府廳州各率所屬將欠收分數
上緊徵解務於來年奏銷以前全數徵完以符定
額至節次欽奉

諭旨交審內控各案經臬司盛泰率同首府及各委員上
緊趕辦均已陸續具奏截至建昌縣附生鄒洎呈
控天極聖教一案爲止所有本年奉

旨交審案件均已掃數全完只有本月初十日准咨解到
李劉氏呈控一案現因人証卷宗未經到齊未能
審辦此外並無未完之案惟最要次要各逆犯現
經臣嚴檄各屬並密派文武員弁分路設法躡緝

時刻督率稽察惟期迅淨根株早經

宸厯各屬員弁亦咸知奮勉緝捕拏獲逃旗逃遣逃軍逃

流共計三十餘名而於要犯究鮮弋獲臣焦灼之

餘益切慙悚惟益督飭各屬加意偵緝萬不敢稍

有因循疲懈以冀保副

諄切訓勉之至意謹

奏奉

硃批實心實力必見功效勉之

那文毅公初任直隸總督奏議卷三十八